




**Assartuinnermut aalajangersakkat 2024
V 2.0**

Februaari 2024



IMARISAA

1 Aalajangersakkat nalinginnaasut	4
1.2 Assartuinnermut aalajangersakkat	4
1.3 Assartueriaaseq	4
1.4 Angalanermut pilersaarutit	4
1.5 Umiarsualivinnut nunaqarfinnullu assartuinerit annikinnerusut	4
1.6 Akisussaaffeqarneq sillimmasiinerlu	5
1.7 Akitsuusiineq	5
1.8 Nassiussassatut inniminniineq	6
1.8.1 LCL-inik (Nassiussassanik tamalaanik) inniminniineq	7
1.8.2 FCL-inik (Containerit sullitami immikkat) inniminniineq	7
1.8.3 Inniminniinermit allanngueq atorunnaarsitsinerluunniit.....	8
1.8.4 Nassiussat navianartut allartagaanni kukkuneqartillugu (IMDG)	8
1.9 Tunniussineq tiguserlu	8
1.9.1 Piffissaq sioqqullugu tunniussineq.....	8
1.9.2 Nassiussanik kingoqqutsilluni tunniussineq.....	8
1.9.3 Nassiussat allagartaat kiisalu tunniussineq	8
1.10 Imaatigut assartuinnermi peqqarniisaarniarnermut isumannaallisaaneq	9
1.11 Nassiussat akilerneqartarnerat	9
1.11.1 Nassiussat akii.....	9
1.11.2 Umiarsualivimmi nassiussiviusumi suliarineqarnerat.....	9
1.11.3 Imaatigut assartukkat	9
1.11.4 Umiarsualivimmi tiguserivissami passunneqarnera.....	10
1.11.5 Uliamut aningaasallu nalinginut tapiliuttagaq.....	10
1.11.6 Sullissinernut akiliut.....	10
1.11.7 Nuummut nassiussat akii.....	10
1.11.8 Akiliinermit atugassarititaasut	10
1.11.9 Skandinaviami umiarsualivinni allani nassiussalerineq (ingerlaarfik aappaluttoq)	10
1.12 Assigiimmik akeqarfiusut, illoqarfiit nunaqarfiillu	11
2 LCL (nassiussat ataasiakkaat) aamma FCL (containerit sullitami poortukkat)	12
2.1 LCL (nassiussat ataasiakkaat) ilisaritinneqarnerat	12
2.2 Poortuineq	13
2.2.1 Nalunaaqutsersuineq.....	14
2.2.2 Uttortaaneq akianillu naatsorsuineq	14
2.2.3 Nassiussat akiisa minnerpaaffissaat	15
2.2.4 Quersuarmititsinermit inissamullu akiliutit	15
2.3 FCL (containerit sullitami poortugai) Ataatsimut isigalugit	16

2.3.1 Assartuinermi atugassarititaasut	16
2.3.2 Containerinut atugassarititaasut	18
2.4 LCL (Nassiussat tamalaat) kiisalu FCL (Containerit sullitami immikkat) – Nassiussat nalinginnaasut	19
2.4.1 LCL (Nassiussat tamalaat)	19
2.5 LCL (nassiussat tamalaat) aamma FCL (containerit sullitami immikkat) – nassiussat aalajangersimasumik kissassuseqartitat	19
2.5.1 Tunniussineq	20
2.5.2 Poortukkat qerisut akilerneqartarnerat	20
2.5.3 Nunaqarfiit	20
2.5.4 Bananit	20
2.5.5 Tunniussineq	20
2.5.6 Kissassutsini sorlorniissusii	21
2.6 LCL (usit tamalaat) kiisalu FCL (containerit sullitami immikkat) – Nassiussat navianartut kiisalu aalajangersimasumik kissassuseqartitat	21
2.6.1 Tunniussineq	21
2.6.2 Eqqussinermut akuersissut	22
2.6.3 Nassiussat navianartut aalajangersimasumik kissassuseqartitat	22
2.6.4 Tunniussineq – Nassiussat navianartut kiisalu navianartut aalajangersimasumik kissassuseqartitat	22
2.6.5 Allat	22
2.7 LCL (nassiussat tamalaat) kiisalu FCL (containerit sullitami immikkat) – Saviminikut	22
2.7.1 Assartuinermi atugassarititaasut	23
2.7.2 Nunaqarfiit	23
2.7.3 Inniminniineq	23
2.7.4 Tunu	23
2.8 LCL (nassiussat tamalaat) kiisalu FCL (containerit sullitami immikkat) – nassiussat Flatrack	23
2.8.1 Nunaqarfiit	24
2.8.2 Tunniussineq	24
2.9 LCL (Nassiussat tamalaat) kiisalu FCL (Containerit sullitami immikkat) – Qamutit motorillit aamma angallatit	24
2.9.1 Assartuinermi atugassarititaasut	24
2.9.2 Inniminniineq	25
2.9.3 Nalunaaqutsersuineq aamma poortuineq	25
2.9.4 Nassiussinermut aki	25
2.10 (Nassiussat tamalaat) kiisalu FCL (Containerit sullitami immikkat) – Assartuinermi atortut	25
2.10.1 LCL suliarinnineq	26
2.10.2 FCL Assartuinermi atugassarititaasut	26

2.11 LCL (Nassiussat tamalaat) kiisalu FCL (Containerit sullitami immikkat) – TANKCONTAINERIT	26
2.11.1 FCL-inut sarfaq naatsorsuussaq	26
3 Assartuinerit allat	26
3.1 Assartuinerit allat – Nassiussat angisoorsuit	26
3.1.1 Assartuinermi atugassarititaasut	27
3.1.2 Inniminniineq	27
3.1.3 Assartugassap nassiunnissaata akissaanik naatsorsuineq	27
3.2 Assartugassat allat – Nassiussat immikkut ittut	27
3.2.1 Assartuinermi atugassarititaasut	28
3.2.2 Inniminniineq	28
3.3 Assartugassat allat - Uumasunik uumatillugit assartuineq	28
3.4 Kingusinaarluni tunniussineq	28
3.5 Nassiussat allat – Illerfinnik assartuineq	28
3.5.1 Illerfinnik assartuineq – Assartuinermi akigititat	29
3.5.2 Assartuinermi atugassarititaasut	29
3.5.3 Immikkut ittut	29
4 Assartuinermit aalajangersakkat	29
4.1 Assartuinermit aalajangersakkat -Nassuiaatit.....	34
4.1.1 Assartuinermit aalajangersakkat	34
4.1.2 Nassiussat suuneri	34
4.1.3 Assartuinermit atortut:.....	35
4.1.4 Allat.....	36



1 AALAJANGERSAKKAT NALINGINNAASUT

Royal Arctic Line Kalaallit Nunaanni umiarsualivinni 13-ini namminerisaminik terminaleqarlunilu allaffeqarpoq. Allattorsimaffik najukkallu uani nassaarineqarsinnaapput www.ral.gl.

Aalajangersakkat nalinginnaasut ataanilu immikkoortukkuutaat nassiussanut tamanut atuutsinneqarput, kapitalini attuumassuteqartuni allatut allaqqasoqanngippat.

1.2 ASSARTUINERMUT AALAJANGERSAKKAT

Kalaallit Nunaannut Kalaallit Nunaanniillu kiisalu Kalaallit Nunaanni illoqarfiit nunaqarfiillu akornanni umiarsuakkut nassiussat tamaasa Royal Arctic Line A/S-imit assartorneqartarput.

Assartuinermit aalajangersakkat tassaapput Namminersorlutik Oqartussanit akuersissut tunniunneqartoq kiisalu nunaqarfinnut angallaviginissaat umiarsualivinnilu kiffartuussinerit pillugit kiffartuussinissamik isumaqatigiissutaasut naapertorlugit Royal Arctic Linep Kalaallit Nunaannit Kalaallit Nunaanniillu, aamma Kalaallit Nunaata iluani, imaatigut assartornerinut aalajangersagai.

Assartuinermit aalajangersakkat kapitalimi 4-miittut Royal Arctic Linep nammineq umiarsuaatai imaluunniit umiarsuit attartugai atorlugit nassiussanik assartuinerit sunulluunniit atorneqassapput, taakkulu Royal Arctic Linep assartuinnissamik isumaqatigiissuteqarnermit atatillugu aalajangersakkanit piimasaqaatinillu innersuussutigineqartunit tamanit salliutinneqassapput.

Assartuinermit aalajangersakkani piimasaqaatit aalajangersakkallu Royal Arctic Linep nittartagaatigut www.ral.gl-ikkut paasissutissiissutigineqartunit allanit atuutsinneqarlutik salliutinneqassapput.

1.3 ASSARTUERIAASEQ

Royal Arctic Linep nassiussat tamaasa, periarfissaanersoq apeqqutaatillugu, containerinut poortortarpai, imaluunniit flatrackinut assartuinermiluunniit atortorissaarutinut assingusunut.

Royal Arctic Line nassiussat containerinut, flatrackinut assartuinermiluunniit atortorissaarutinut assingusunut poortuullugit umiarsuup qaavani usitut assartuinnissaminut imminut pisinnaatippoq.

Arlaannik pisoqartillugu umiarsuit containerilersuutit atornagit umiarsuit nassiussanik tamalaanik assartuutit atorneqassapput. Taamatut pisoqartillugu Royal Arctic Line nassiussat tamaasa LCL-imut piimasaqaatit naapertorlugit usitut tamalaatut assartuinnissamut imminut pisinnaatippoq.

1.4 ANGALANERMUT PILERSAARUTIT

Royal Arctic Linep angalanermut pilersaarutai atuuttut angallavigisaanullu allattorsimaffik nittartakkakkut www.ral.gl-ikkut aaneqarsinnaallutik, imaluunniit kundeservice@ral.gl-imut saaffiginnilluni piniarneqarsinnaapput.

1.5 UMIARSUALIVINNUT NUNAQARFINNULLU ASSARTUINERIT ANNIKINNERUSUT

Imarpissuakkut assartuinermit imaluunniit Kalaallit Nunaanni illoqarfiit akornanni assartuinermit atatillugu nassiussanik illoqarfiit nunaqarfiisalu akornanni assartueqqinneq assartuinermit akiliutinut ilaareerpoq, tamatuma inniminniinermi imaluunniit kingusinnerpaamik nassiussat tunniunneqarnerini paasissutissiissutigineqarsimanera apeqqutaatillugu.

Royal Arctic Linep nunaqarfinnut angallassinermi umiarsuit mikinnerusut atorpai, tamannalu – angallassinermi pissutsit ilaanneeriarlutik ilungersunarsinnaasut ilanngullugit – nassiussanik oqimaatsunik aamma/imaluunniit angallatat amerlasuutillugit periarfissanut killiliisinnaasarpoq.

Kalaallit Nunaanni nunaqarfinnut nunaqarfinniillu nassiussanik assartuineq Royal Arctic Linep assartuinermit inissaqartitsinera naapertorlugu ingerlanneqartarpoq.

Nunaqarfinnut nassiussat Royal Arctic Linemit nunaqarfimmut apuunneqarnerat malillugu tiguisissamit aaneqassapput. Taamatut pisoqanngippat illoqarfimmit nunaqarfimmut akeqanngitsumik assartuisitsinissamut piginnaatitaaffik annaaneqassaaq, taamaalisoqarneranilu nassiussap illoqarfimmut utertinneqarnera akilerneqartussanngussaaq, kiisalu quersuarmiitinneranut imaluunniit umiarsualiveqarfimmiitinneranut akiliisoqassalluni.

Kingorna nunaqarfimmut assartoqqinnissaa kissaatigineqarpat, tamanna immikkut akilerlugu pissaaq.

Illoqarfiit tikitassallu allat sorliit ISO 20' aamma/imaluunniit 40' containerinik tiguisinnaanersut taamatullu aamma FCL-inut atortorissaaruteqarnersut nittartakkakut www.ral.gl-ikkut takuneqarsinnaapput imaluunniit kundeservice@ral.gl-imut saaffiginnilluni piniarneqarsinnaallutik.

1.6 AKISUSSAAFFEQARNEQ SILLIMMASIINERLU

Nassiussat Royal Arctic Linemit umiarsuarmi nunamiluunniit paarineqartillugit – nassiussat assartugassatut tiguneqarnerinit tiguisissamullu tunniunneqarnissaata tungaanut – Royal Arctic Linep akisussaaffiata umiartornermut inatsimmi aalajangersakkat malissavai.

Nassiussat piareersutut nalunaarutigineqarpata tiguisissamut akisussaaffigineqartumik akiligassanngortinneqassapput.

Royal Arctic Linep akisussaaffeqarneranut aalajangersakkat kapitali **4-mi Assartuinermit aalajangersakkani** allaaserineqarput.

Royal Arctic Linep akisussaaffeqarnera umiartorneq pillugu inatsit naapertorlugu killeqarpoq, taamaattumillu

- Pisuni arlalinni taarsiissuteqarneq ajorpoq, kiisalu
- pisuni arlalinni aningaasat aalajangersimasumik amerlassusillit killigalugit taamaallaat taarsiissuteqarsinnaavoq.

Umiartorneq pillugu inatsimmi § 280 naapertorlugu taarsiissuteqarnissamut annertunerpaaffittut killigitat tassaapput nassiussamut ataatsimut SDR 667 (DKK 6.500 miss.) imaluunniit kiilumut SDR 2 (DKK 20 miss.).

Taarsissuteqarnissamut malittarisassat assartuinermit aalajangersakkani nassuiarneqarput, taakkulu www.ral.gl-imi atuarneqarsinnaapput.

Aammattaaq umiartorneq pillugu inatsimmi § 505 SDR-imut, Special Drawing Rights, tunngasoq takuuk.

Assartuinerup nalaani imaluunniit uninngasuutiginerani ajoqusernertut, tammarneqartunut allanullu Royal Arctic Linep akisussaaffeqarnera taamaalilluni umiartorneq pillugu inatsit naapertorlugu killeqarpoq. Nassiussap nalinganik tamakkiisumik matussusiisnnaasumik assartuinermit sillimmasiinissaq nassiussisup nammineerluni akisussaaffigaa. Taamatut sillimmasiisoqarnissaa sakkortuumik kaammattuutigineqarpoq.

Assartuinermit sillimmasiineq sillimmasiinertut ingerlaavartutut pissarsiarineqarsinnaavoq imaluunniit assartukkamut ataasiakkaamut atatillugu Royal Arctic Linemi sillimmasertittoqarsinnaavoq.

Sillimmasiinermit atugassarititaasut atuuttut www.ral.gl-imi takuneqarsinnaapput, imaluunniit kundeservice@ral.gl-imut saaffiginnilluni piniarneqarsinnaallutik.

1.7 AKITSUUSIINEQ

Imaatigut assartugassatut tunniussat ilanngaaserisunit suliarineqarsimanerannik uppernarsaasernissaat nassiussisup/tiguisissup akisussaaffigaa, kiisalu piumasarineqarsimappat nassiussat eqqusuinermit annissuinernullu akuersissuteqarfigineqarsimanissaat akisussaaffigaa.

Kalaallit Nunaat EU-mut ilaanngimmat nassiussat tamarmik ilanngaaserisunit naliliiffigineqarsimasussaapput.

EU-mit Kalaallit Nunaannut nassiussinermi ilanngaaserisunit uppersaatit:

- Nassiussat DKK 7.500,- sinnerlugit nalillit tamarmik anninnerisa tikiunneqarnerisalu qarasaasiakkut nalunaarutigisimanissaat nassiussisup/eqqussisup akisussaaffigaa.
- Annissanik qarasaasiakkut nalunaarutigineqartut normuisa tamarmik katersornissaannik Royal Arctic Line pisussaaffeqarpoq taakkulu Akileraaruserivimmumt nalunaarutigisussaallugit. Paasissutissat taakku kiisalu nassiussineq pillugu paasissutissat sukumiinerusut qarasaasiakkut Manifestsystemet atorlugu Akileraaruserivimmumt nassiunneqartassapput. Umiarsuartigut nassiunneqartut tamarmik taama pineqartassapput. Tamanna EF-ip ilanngaaserinermi ileqqoreqqusaanik piviusunnortitsinerumt aalajangersakkani artikel 796D, imm., titarneq a)-kkut aalajangersarneqarpoq. Aalajangersakkamik taassuminnga unioqqutitsineq ilanngaaserinermi inatsisunik unioqqutitsineruvoq, pillarneqaataasinnaallunilu. Tamatuma saniatigut piumasaqaammik taassuminnga unioqqutitsisoqarpat nioqqutissat usiliunneqassanngillat. Tamanna EF-ip ilanngaaserinermi ileqqoreqqusaanik piviusunnortitsinerumt aalajangersakkani artikel 796D, imm., titarneq b)-kkut aalajangersarneqarpoq.
- Annissuinerumt nalunaarutit amigaataasut malitseqartinneqarnissaannut kiisalu avammumt nioqquteqartut tikiussinerumt nalunaaruteqarnerisa malitseqartinneqarnissaannut Royal Arctic Line akisussaaffeqarpoq.

Kalaallit Nunaannit EU-mut nassiussinermi ilanngaaserisunit uppersaatit:

- Tiguisoq / eqqussisoq tikiussinerup ilanngaaserisunit suliarineqarnissaannut akisussaavoq, kiisalu nassiussat tamakkerlutik tikiussinermi ilanngaaserisunit suliarineqartariaqannginnerannut arlaatigut uppersaammik allamik nassiussaqtussaalluni. Uppersaammik tigusaqartoqanngippat tiguisussamut akiligassanngortitamik MIG suliarineqassaaq. Taannalu matuneqartinnagu nassiussat tunniunneqarsinnaanaviannngillat.
- Ilangaaserinermi normuliusat / ICS normut tamakkerlugit katersornissaannik Royal Arctic Line pisussaaffeqarpoq taakkulu Akileraaruserivimmumt nalunaarutigisussaallugit. Paasissutissat taakku kiisalu nassiussineq pillugu paasissutissat sukumiinerusut qarasaasiakkut Manifestsystemet atorlugu Akileraaruserivimmumt nassiunneqartassapput. Umiarsuartigut nassiunneqartut tamarmik taama pineqartassapput. Aalajangersakkamik taassuminnga unioqqutitsineq ilanngaaserinermi inatsisunik unioqqutitsineruvoq, pillarneqaataasinnaallunilu. Tamatuma saniatigut piumasaqaammik taassuminnga unioqqutitsisoqarpat nioqqutissat niiorarneqassanngillat.
- Nioqqutissanik eqqussisut tikiussinerumt nalunaaruteqanngitsoornerinik malitseqartitsinissamut Royal Arctic Line akisussaaffeqarpoq.

Ilitsersuutit sukumiinerusut www.ral.gl-imi takukkit.

1.8 NASSIUSSASSATUT INNIMINNIINEQ

Nassiussat tamarmik tunniunneqartinnagit nassiunnissaat inniminnerneqartassaaq. Nassiussat annikinnerit tunniunnerini nassiunnissaat inniminnerneqarsinnaavoq. Nassiussinissamik inniminniinermi nassiussat tunniunneqartinnagit Royal Arctic Line siumoortumik nalunaarfigineqarsimassaaq inniminniivigineqarsimassallunilu.

Nassiussat sapinngisamik aallarunneqarfissaattut kissaatigisamut nassiunneqarnissaat qularnaarneqartussanngorlugu inniminniisoqartassaaq. Inuinnaalli nassiussaata minnerusut tunniussinerumt atatillugit inniminnerneqarsinnaapput. Nassiussat angissusaat inniminnikkamit allaaneruppata, palletsimut ataatsimut, collimut ataatsimut imaluunniit nassiussamut ataatsimut allannguuteqartitsinerumt akiluteqartitsinissamut pisinnaatippugut. Akigitat atuuttut www.ral.gl-imi akit allattorsimaffianni takuneqarsinnaapput.

Inniminniineri tamani e-mail atuuttoq paasissutissiisutiginneqartassaaq, uppersaatissallu tamaasa tassunga nassiunneqartassapput, tamatumani ilanngullugit inniminniinerumt uppersaat, nassiussinerumt allagartaq kiisalu akilgassiisut. E-mail paasissutissiisutiginneqarsimannngippat Royal Arctic Line allakkamut nassiunneqartumut

ataatsimut allaffissornermut akiliuteqartitsissaaq. Tamatumunnga akigitinneqartoq akit nalunaarsorsimaffianni atuuttumi www.ral.gl-ikkut takuneqarsinnaavoq.

Nassiussinissamik inniminniineq Royal Arctic Linemit uppersarneqassaaq, taassumalu inniminniinermut normu nalunaarutigissavaa (taanna nassiussaq pillugu saaffiginnissutini tamani atornerqartassaaq) inniminniinermullu uppersarsaat nassiutissallugu, taannalu nassiussap tunniunneqarneranit malinnaassaaq titarnernillu ilisarnaaserneqassalluni qinnguarneqartartunik, nassiussap tunniunneqannginnerani ikkunneqartussanik. Nassiuseqattaartartut titarniusanik ilisarnaatinik qinnguartaakkanik pissamaatissaminnik tunineqarsinnaapput.

Nassiussaq pillugu kingornatigut saaffiginnissuteqarnerni tamani inniminnikkap normua paasissutissiisutigneqartassaaq. Inniminniineq nittartakkakut www.ral.gl-ikkut pissaaq, tassani immersugassaq immersorneqassalluni imaluunniit umiarsualivimmi nassiussiviusussami Royal Arctic Linemit saaffiginnikkut inniminniisoqarsinnaavoq. Adressit, oqarasuaatit normui allallu www.ral.gl-imi nassaarineqarsinnaapput.

1.8.1 LCL-INIK (NASSIUSSASSANIK TAMALANIK) INNIMINNIINEQ

Inniminniinermi makku nalunaarutigineqartassapput:

- 1) umiarsualivik nassiussiviusoq
- 2) umiarsualivik tiguffiusussaq
- 3) umiarsuaq aallarussivissatut kissaatigisaq (angalaneq)
- 4) nassiussisoq
- 5) tiguffiusussaq
- 6) nassiussamik akiliisoq
- 7) oqimaassusia angissusialu, qassiunersut/angissusaat (Nassiussap oqimaassusia angissusialu palletsit allequtarineqartullu ilanngullugit allanneqassapput)
- 8) imarisaasa suuneri
- 9) kivitsinissamut ilitsersuutit imaluunniit kivitsinissamut malitassat inniminniinermi/tunniussinermi.

1.8.2 FCL-INIK (CONTAINERIT SULLITAMIT IMMICKAT) INNIMINNIINEQ

Inniminniinermi makku nalunaarutigineqartassapput:

- 1) umiarsualivik nassiussiviusoq
- 2) umiarsualivik tiguffiusussaq
- 3) umiarsuaq aallarussivissatut kissaatigisaq (angalaneq)
- 4) nassiussisoq
- 5) tiguffiusussaq
- 6) nassiussamik akiliisoq
- 7) containerip suussusia, qassiuneri
- 8) nassiussat immikkoortut amerlassusii / angissusii (nassiussat oqimaassusii inittussusiilu palletsit / allequtat ilanngullugit nalunaarutigineqartassapput).
- 9) nassiussat oqimaassusii inittussusiilu
- 10) kivitsinissamut ilitsersuutit imaluunniit kivitsinissamut malitassat inniminniinermi/tunniussinermi
- 11) imarisaasa suuneri

Inniminniinermi inniminniinermut normu nalunaarutigineqartassaaq kiisalu inniminniinermut uppersarsaat nassiunneqartassalluni. Inniminniinermut normu nassiussap nalunaarutsernerani nassiussamullu uppersarsaatini tamani saqqummiulluarneqartassaaq.

Nassiussap tunniunnerani paasinarsippat inniminniinermi nalunaarutigineqartumit nassiussaq annerusoq/oqimaannerusoq, taava Royal Arctic Line imminut pisinnaatippoq nassiussaq tamakkiisumik ilaannakuusumilluunniit aallarnermut inissalimmut tullermut ingerlasussanngussallugu.

Inniminnigaq uppersarsagaq atorunnaarsinneqarpat imaluunniit nassiussaq tunniunneqarnermini inniminniinermini nalunaarutigineqartumit annertuumik annikinneruppat oqinneruppalluunniit taava Royal Arctic Line nassiussingitsoorneq / inissamik atuingitsoorneq pillugu annaasanut tamatumalu umiartornermut inatsimmi aalajangersakkat naapertorlugit kingunerititanut akiligassiisinaavoq. Nassiutینگitsuukkanut akigitat www.ral.gl-imi takukkit.

1.8.3 INNIMINNIINERMIK ALLANNGUINEQ ATORUNNAARSITSINERLUUNNIIT

Nassiussat tunniuteriikkat angallanneqalereersulluunniit sumunnarfii taamaallaat allangortinneqarsinnaapput tamanna ajornanngippat. Royal Arctic Line allannguinermit allannguinkkullu aningaasartuutaalersunut akiliisitsisinaavoq.

Inniminniineq taamaatiinneqarpat imaluunniit inniminneqqaarneranit annikinnerusunngorlugi containerilluunniit ikinnerusunngorlugit allangortinneqarpat taamaatitsiinnarnermi allannguinermiluunniit aningaasartuutaasunik Royal Arctic Line akiligassiisinaavoq.

Nassiussanik tunniuteriikkanik taamaatitsiinnarnermi taamaatitsinermit akiliutissaq akilerneqassaaq kiisalu nassaarineranut tunniunneranullu aningaasartuutit akilerneqassallutik.

1.8.4 NASSIUSSAT NAVIANARTUT ALLAGARTAANNI KUKKUNEQARTILLUGU (IMDG)

Nassiussat navianartut allagartaannik Royal Arctic Linemut tunniussinermi allagaatip eqqortumik immersorneqarsimanissaa atuuppoq.

Royal Arctic Line assartuussisutut allagartanik immersuisinnaatitaangilaq navianaataasinnaasulli pissutigalugit misissortarnissaat pisussaaffigalugu.

Allagaat eqqortumik immersorneqarsimanngippat Royal Arctic Linemit akuerineqarsinnaangilaq utertinneqassallunilu.

Allagaammik eqqunngitsumik immersuisoqartillugu itigartitsinermi akiliuteqartitsisoqartarpoq. Akiliutinut akit atuuttut akit allattorsimaffianni www.ral.gl -imi takuneqarsinnaapput.

1.9 TUNNIUSSINEQ TIGUSINERLU

Nassiussanik tunniussineq tigusinerlu tunniussivissatut piffissaliussat inniminniinermit uppersarsaammi takuneqarsinnaasut iluanni pisassapput.

1.9.1 PIFFISSAQ SIOQQULLUGU TUNNIUSSINEQ

Nassiussanik tunniussineq piffissaliussat inniminniinermit uppersarsaammi takuneqarsinnaasut iluanni pisassapput. Siusinaarluni tunniussisoqartillugu quersuarmiititsinermit inissamillu atuinermut akiliummik akiliisoqartassaaq, taakkununggalu akit nalunaarsorsimaffianni www.ral.gl-imi pissarsiarineqarsinnaavoq. Tunniussinissamut piffissaliussaq taanna sioqqullugu nassiussat tunniunneqarpata Royal Arctic Line imminut pisinnaatippoq inniminniinermi oqaatigineqartoq sioqqullugu nassiussat inissaqarpata nassiussanik assartuisinnaassalluni.

1.9.2 NASSIUSSANIK KINGOQQUTSILLUNI TUNNIUSSINEQ

Inniminniinermit uppersarsaammi oqaatigineqartumit kingusinnerusukkut tunniussisoqarpat Royal Arctic Line pisinnaatitaavoq umiarsuarmut kingusinnerusukkut aallartussamut nassiussat assartortissallugit. Taama pisoqarpat nassiussat quersuarmiitinneqarnerannut / inissamik atuinerrannut aningaasartuutinik nassiussisoq akiliisussanngusaaq.

1.9.3 NASSIUSSAT ALLAGARTAAT KIISALU TUNNIUSSINEQ

Umiarsuaq tikitsinnagu nassiussat allagartaat Royal Arctic Linep umiarsualiviani tigusisussami naqinneqassaaq. Nassiussat allagartaat tigusisussamut nassiunneqassaaq. Nassiussat allagartaat nunaqarfinnissaaq naqinneqartarput. Tamanna ajornarpat nassiussat allagartaat nassiussamut ilanngullugit umiarsuarmut ilaatinneqassapput. Nassiussat allagartaanni ulloq tunniussivissatut naatsorsuutigisaaq allassimassaaq.

Umiarsuup tikiffissaa ullorlu tunniussivissaq aqquataani allanngorsinnaammata ulloq tunniussivissarpiaq paasiniallugu najukkami umiarsualiviup allaffianut paasiniaanissamut pisussaavoq. Akit atuuffiata iluani nunaqarfinnut nassiussat eqqarsaatigalugit ulloq nalunaaqutarlu tunniussivissaq nassiussat allagartaanni allassimavoq. Paasissutissat sukumiinerusut immaqalu nutartikkat Royal Arctic Linemut imaluunniit umiarsualivimmi tiguisivissami taassuma sinniisaanut saaffiginnilluni pissarsiarineqarsinnaapput.

Nassiussat allagartaat taamaallaat tunniullugu nassiussanik tiguisoqarsinnaavoq, Royal Arctic Linelu nassiussat tunniunneqannginnerani kinaassutsimut uppernarsaammik atuuttumik piumasaqartussaavoq. Nassiussat allamit aaneqarpata piginnaatitsissummik atsiukkamik tamatigut takutitsisoqartussaavoq.

Nassiussat tunniunneqarnissamut piareersimasutut nalunaarutigineqarsimasut tigussallugit nassiussanik tiguisusaaq pisussaavoq. Nassiussat tiguneqanngikkunik akit atuuttut naapertorlugit toqqortarineqassapput. Quersuarmik inissamillu atuinermit nassiussanik tiguisusaaq akiliisussaavoq.

1.10 IMAATIGUT ASSARTUINERMI PEQQARNIISAARNIARNERMUT ISUMANNAALLISAANEQ

Umiarsuit umiarsualiviillu peqqarniisaarnermut isumannaallisarneqarnissaannik nunat tamalaat akornanni piumasaqaammut atatillugu (International Ship and Port Facility Security (ISPS) Code) 1.7.2004 atuutilersumik Royal Arctic Line makkuninnga ilisimatitsissuteqartussaavoq:

Royal Arctic Linep uppernarsassavaa usit nassiussanik assartorneqarnissamut akuerisaanngitsunik ilaqanngitsuusut – soorlu makkuninnga:

- Sakkut uppernarsaatitaqanngitsut
- Sananeqaatit navianartut nalunaarutigineqanngitsut
- Atortut allat inunnut, umiarsuarnut umiarsualivinnulluunniit innarliiniutaasut.

Atortunik taaneqareersunik nassiussat ilaqannginersut misissussallugu Royal Arctic Line imminut pisinnaatippoq.

Upalungaarsimanermit nalinginnaasumi (ISPS isumannaallisaaneq 1) misissugassanik tiguisoqartassaaq nassiussat nassiussat allagartaannut naapertuunnersut paasiniallugu. Upalungaarsimanermit qaffasinnerusumi (ISPS isumannaallisaaneq 2 aamma 3) misissuineq sukannerulerisneqassaaq.

Nassiussanik misissuisoqarsinnaavoq makku atorlugit:

1. isaannarmik tigusalugilluunniit misissorlugit aamma/imaluunniit
2. qinguartaatit / nassaarniutit atorlugit, maskiinat imaluunniit qimmit atorlugit.

1.11 NASSIUSSAT AKILERNEQARTARNERAT

1.11.1 NASSIUSSAT AKII

Akit tullittut pillugit Royal Arctic Linep assartuinermit akigititai akillu nalunaarsorsimaffiat innersuussutigineqarput, nittartakkami www.ral.gl.

1.11.2 UMIARSUALIVIMMI NASSIUSSIVIVUSUMI SULIARINEQARNERAT

Kubikmeterimut, kg-mut imaluunniit ataasiakkaanut umiarsualivimmi nassiussivivusumi atorneqartut nassiussap umiarsualivimmi nassiussivivusumi tunniunneqarneranit umiarsuarmut usiliunneqarneranut atuuppoq. Passunneqarneranut akimut ilaatinneqarpoq piffissaliussat ininiminniinermit uppernarsaammi piffissaliunneqartut naapertorlugit toqqortarineqarnera.

1.11.3 IMAATIGUT ASSARTUKKAT

Aki umiarsualivimmi nassiussivivimmit umiarsualivimmut tiguisivissamut imaatigut assartukkanut kubikmeterimut, kg-mut ataasiakkaanulluunniit akilerneqartoq.

1.11.4 UMIARSUALIVIMMI TIGUSIVISSAMI PASSUNNEQARNERA

Aki, nassiussat umiarsualivimmi tiguisivissami umiarsuarmit niuneqarneqarneranit tiguisissamit tiguneqarneranut passussinermut kubikmeterimut, kg-mut ataasiakkaanulluunniit akilerneqartartoq. Passunneqarneranut akimut ilaatinneqarpoq piffissaliussat inniminniinermit uppernarsaammi piffissaliunneqartut naapertorlugit toqqortarineqarnera. Passussinermit imaatigullu assartuinermit akigitinneqartut akinik nalunaarsuiffinni ataasiakkaani takuneqarsinnaapput.

1.11.5 UULIAMUT ANINGAASALLU NALINGINUT TAPILIUTTAGAQ

Uuliamut aningaasallu nalinginut tapit qaqugukkulluunniit atuuttut assartukkanut tamarmiusunut naatsorsorneqartarput, tassa umiarsualivimmi nassiussivimmi passunneqarneranut, imaatigut angallanneqarneranut umiarsualivimmilu tiguisivissami passunneqarneranut akit. Uuliamut aningaasallu nalinginut tapit uani takukkit www.ral.gl. Uuliamut aningaasallu nalinginut tapit ingerlaavartumik naleqqussarneqartarput.

1.11.6 SULLISSINERNUT AKILIUT

Sullissinernut assigiinngitsunut imaatigut assartuinermit passussinermulluunniit ilaatinneqanngitsunut immikkut akeqartitsisoqartarpoq. Assersuutigalugu inniminniinermit allannguinermit, kingusinaarluni tunniussinermit, quersuarmititsinermit inissamillu atuinermit, palletsimik attartornermit, containerimik attortornermit kiisalu eqqunneqarnerani ilanngaaserisunit suliarineqarnerannut.

Akiliutinut akit atuuttut akit www.ral.gl-imi akit nalunaarsorsimaffianni takuneqarsinnaapput.

Kalaallit Nunaata iluani nassiussanut akit sumiiffinnut immikkut akeqartitsiviusunut avitaapput. Nassiussanut akit uani nassaarineqarsinnaapput www.ral.gl.

1.11.7 NUUMMUT NASSIUSSAT AKII

Nuummit nassiussat, FLC-inut, LCL-inut kiisalu bulkinut, tassani tiguneqartut aqqusaartulluunniit Nuukkoornermut akiliitsivigineqartarput. Akit atuuttut takukkit www.ral.gl.

1.11.8 AKILIINERMI ATUGASSARITITAASUT

Nassiussat tigureneri akiligassat tamarmik sullitamut tunniunneqartinnatik akilerneqareersimanerat Royal Arctic Linemi nalunaarsorneqarsimassaaq.

Aningaasartuutit akiligassat allat, soorlu assersuutigalugit containerinik attartorneq quersuarmititsinerlu, tunniussisoqartinnagu aamma akilerneqareersimassapput.

Nunaqarfinnut nassiussat eqqarsaatigalugit nassiussat illoqarfimmit aqqusaartitsivissamit aatsaat nassiunneqartassapput akilerneqarsimaneri nalunaarsorneqarsimaleraangata. Ukiuunerani matoqqanissaq sioqqullugu umiarsuup kingulliup aallarnerata kingorna akiliuteqarneq aatsaat nalunaarsorneqarsimappat Nassiussat aqqutit allat atorlugit apuunneqarnissaannut Royal Arctic Linep akisussaaffiginngilaa.

Royal Arctic Linep qaqugukkulluunniit pisinnaatitaavoq assartuinissaq pitinnagu akiliuteqaqqusisinnaalluni.

Suliffeqarfiiit akiligassanngortitsinissamik Royal Arctic Linemut isumaqatigiissuteqarsinnaapput.

Akiligassanngortitsinissamik isumaqatigiissusiornermi atugassarititaasut pillugit attaviguuk kundeservice@ral.gl.

1.11.9 SKANDINAVIAMI UMIARSUALIVIMMI ALLANI NASSIUSSALERINEQ (INGERLAARFIK AAPPALUTTOQ)

Nassiussisarfimmi nassiussalerineq THC (Terminal Handling Charge) tassaavoq umiarsualivimmi nassiussiviusumi nassiussisumut imaluunniit umiarsualivimmi tiguisivissami tiguisissamut akiliutigitinneqartartoq, assartuineq ingerlaarfikkut aappaluttukut ingerlanneqaraangat. Aamma umiarsualiviit ilaanni uppernarsaatinut, containerinut poortuinermit (stuffing) assigisaannullu akiliitsisoqartarpoq.

Akiliutit atuuttut saniatigut tapiliunneqartartut

- THC Skandinaviami
- B/L-mut akiliut

- Sullissinermut akit assigiingitsut

Europami passussineq pillugu paasissutissat sukumiinerusut Sullitanik kiffartuussivimmu kundeservice@ral.gl-ikkut saaffiginnilluni piniarneqarsinnaapput.

DHL Global Forwarding, Lineragency Island. E-mail: Lineragency.is@dhl.com
Oqarasuaatip normua +45 7217 7179.

1.12 ASSIGIIMMIK AKEQARFIUSUT, ILLOQARFIIT NUNAQARFIILLU

AAR AARHUS REY REYKJAVIK

NAN NANORTALIK

012 Appilatseq

013 Narsarmijit

014 Tasiisaq

QAQ QAQORTOQ

021 Saarloq

022 Eqalugaarsuit

024 Qassimiut

026 Ammassivik

028 Alluitsup Paa

302 NARSARSUAQ

NRQ NARSAQ

032 Igaliku

035 Qassiarsuk

PAA PAAMIUT

051 Arsuk

NUU NUUK

061 Qeqertarsuatsiaat

065 Kapisillit

MAN MANITSOQ

071 Atammik ´

072 Napasoq

073 Kangaamiut

SIS SISIMIUT

SFJ KANGERLUSSUAQ

081 Itilleq

083 Sarfannguaq

AAS AASIAAT

102 Ikerasaarsuk

103 Akunnaaq

104 Kitsissuarsuit

105 Kangaatsiaq

106 Attu

UUM UUMMANNAQ

151 Niaqornat

152 Qaarsut

153 Ikerasak

154 Saattut

155 Ukkusissat

156 Illorsuit

157 Nuugaatsiaq

UPE UPERNAVIK

161 Upernavik Kujalleq

162 Kangersuatsiaq

163 Appilattoq

165 Tasiusaq

166 Nuussuaq

167 Kullorsuaq

168 Nutaarmiut

169 Innaarsuit

QAA QAANAAQ

171 Savissivik

174 Siorapaluk

176 Moriusaq

177 Qeqertat

301 PITUFFIK

303 KANGILINNGUIT

TAS TASIILAQ

182 Sermiligaaq

183 Isortoq

184 Kulusuk

185 Tiniteqilaaq

186 Kuummiut

187 Kulusuup mittarfia

ITT ITTOQQORTOORMIIT

305 Daneborg

107 Iginniarfik	306 Danmarkshavn
108 Niaqornaarsuk	307 Ella Ø
109 Ikamiut	308 Station Nord
140 Qeqertarsuaq	312 Nerlerit Inaat
143 Kangerluk	314 Mestersvig
ILU ILULISSAT	
121 Oqaatsut	
122 Qeqertaq	
123 Saqqaaq	
124 Ilimanaq	
QAS QASIGIANNGUIT	

2 LCL (NASSIUSSAT ATAASIAKKAAT) AAMMA FCL (CONTAINERIT SULLITAMIT POORTUKKAT)

2.1 LCL (NASSIUSSAT ATAASIAKKAAT) ILISARITINNEQARNERAT

Matuma kinguliani allatut nassuiaasoqarsimangippat Aalajangersakkat nalinginnaasut nassiussanut taakkununga atuupput.

Nassiussat ataasiakkaat LCL (Less Container Load)-imik taaneqartartut tassaapput containerinut sullitamiit poortukkanut (containerit, flats il.il 2.8 Flatrack-gods-imi nassuiarneqartut) ilaanngitsut, tulliuuttunisullu ittut:

Nassiussat suussusii	Immikkoortoq
Nalinginnaasut	2.4 LCL (Nassiussat ataasiakkaat) aamma FCL (containerit sullitamiit poortukkat) – Nassiussat nalinginnaasut
Aalajangersimasumik kissassusillit	2.5 (Nassiussat ataasiakkaat) aamma FCL (containerit sullitamiit poortukkat) – Aalajangersimasumik kissassusillit
Navianartut	Immikkoortoq
Navianartut aalajangersimasumik kissassusillit	2.6.3 Navianartut aalajangersimasumik kissassusillit
Avatangiisinut tunngasut	2.7 LCL (Nassiussat ataasiakkaat) aamma FCL (containerit sullitamiit poortukkat) – avatangiisinut tunngasut
Nassiussat Flatrack	2.8 LCL (Nassiussat ataasiakkaat) aamma FCL (containerit sullitamiit poortukkat) – Nassiussat Flatrack
Qamutit angallatillu	2.9 LCL (Nassiussat ataasiakkaat) aamma FCL (containerit sullitamiit poortukkat) – Qamutit angallatillu
Assartuutit	2.10 LCL (Nassiussat ataasiakkaat) aamma FCL (containerit sullitamiit poortukkat) – Assartuutit

Nassiussat annerpaaffissanik tulliuuttunik qaangiisut flatrackitut nassiunneqassapput, immikkoortoq **2.8 LCL (Nassiussat ataasiakkaat) aamma FCL (containerit sullitamiit poortukkat) – Nassiussat Flatrack**, imaluunniit 3.1-itut **Assartuinerit allat - Nassiussat annertuut.**

- 2,3 m-inik takissusillit sillissusillilluunniit
- 1,9 m-inik portussusillit*

Illoqarfinnut nunaqarfinnullu ataasiakkaanut nassiussanut allaanerusunik piunasaqaateqarsinnaavoq. Tamanna allassimavoq "illoqarfinnut nunaqarfinnullu killigitat" www.ral.gl, tassani nassiussat annerpaamik 1,8 m-inik portussuseqassapput.

Nassiussat 0,33 kbm-imit annerutillugit imaluunniit 15 kg sinnerlugit oqimaassuseqartillugit toqqavilernagillu tunniunneqarpata, taava Royal Arctic Line palletsimik ataatsimik attartornermut nassiussamut ataatsimut 2 kbm-imit aallartittumik naatsorsuissaaq, takuuk akit nalunaarsorsimaffiat, kiisalu palletsip angissusia naapertorlugu palletsimut tapi, takuuk immikkoortoq tulliuuttoq **2.2.2 Nassiussanik uuttortaaneq naatsorsuinerlu.**

Allequtaq atlantikukkut angallanneqarnissamut naammattumik qajannassuseqassaaq. Qisukujuunik allequtaqartinneqarpata minnerpaamik 10 cm-inik qangataneqassaaq.

Containerimi, umiarsuarmi quersuarmiluunniit poortuineq eqqarsaatigalugu nassiussat tamarmik namminneq oqimaassusertik attassinnaassavaat.

Nassiussat navianartut IMDG-mi malittarisassat naapertorlugit poortorneqassapput.

Royal Arctic Line nassiussanik tamalaanik nassiussiniartunut palletsinik attartortitsisarpoq. Nassiussanik inniminniinermi palletsit attartorniakkat piniarneqassapput. Umiarsualivimmi pineqartumi palletsit uninngasuutigineqartut naammannersut sillimaffigineqassaaq. Royal Arctic Line palletsiutai Nunatsinnut Nunatsinniillu kiisalu Nunatta iluani sumiiffinni assartuiffigineqartuni atuuttuni assartornermut atatillugu taamaallaat atorneqaqqusaapput. Nassiussanik palletsitalinnik tunniussinermi attartortup oqarasuaataata normua kiisalu palletsit qassit nassiussinermi atorneqarnersut inniminniinermut uppernarsaammut allanneqassapput. Royal Arctic Line palletsimut ataatsimut umiarsuup angalaneranut ataatsimut akiliummik naatsorsuissaaq. Akiliut nassiussat tunniunneqarnerinut uppernarsaammut allanneqassaaq assartuinerimullu akiliutaasumut ilanngullugu akilerneqassalluni.

2.2 POORTUINEQ

Nassiussat isumannaatumik poortorneqarsimassapput passunneqarnerminni, angallanneqarnerminni toqqortarineqarnerminnilu illersorneqartussanngorlugit. Poortuutaat imaassaaq passussinermi assartuinermilu angallassamut nassiussanullu allanut tamakkiisumik illersuutaasussanngorlugu. Nassiussat nassiussanut allanut ajoqusiisnnaasorigunigit Royal Arctic Line nassiussanik itigartitsinissamut imminut pisinnaatippoq.

Ataasiakkaatut nassiussat 0,33 kb-imit annerusut imaluunniit 15 kg sinnerlugit oqimaassuseqartut allequttaminnut qajannaarsimassapput, soorlu palletsimut, taamaalillutik ajassaataasanik sammivinnit tamanit passunneqarsinnaanngorlugit.

Nassiussat 0,33 kbm-imit annerutillugit imaluunniit 15 kg sinnerlugit oqimaassuseqartillugit toqqavilernagillu tunniunneqarpata, taava Royal Arctic Line palletsimik ataatsimik attartornermut nassiussamut ataatsimut 2 kbm-imit aallartittumik naatsorsuissaaq, takuuk akit nalunaarsorsimaffiat, kiisalu palletsip angissusia naapertorlugu palletsimut tapi, takuuk immikkoortoq tulliuuttoq **2.2.2 Nassiussanik uuttortaaneq naatsorsuinerlu.**

Allequtaq atlantikukkut angallanneqarnissamut naammattumik qajannassuseqassaaq. Qisukujuunik allequtaqartinneqarpata minnerpaamik 10 cm-inik qangataneqassaaq.

Containerimi, umiarsuarmi quersuarmiluunniit poortuineq eqqarsaatigalugu nassiussat tamarmik namminneq oqimaassusertik attassinnaassavaat.

Nassiussat navianartut IMDG-mi malittarisassat naapertorlugit poortorneqassapput.

2.2.1 NALUNAAQUTSERSUINEQ

Nassiussanut nalunaaqutsiussat makkuninnga tamatigut imaqtartassapput:

- Tigusisussap aqqa najugaalu
- Umiarsualivik tigusivissaq
- Inniminniinermit normu

Nalunaaqutsiussaq titarnernik nalunaaqutsiussakkut annermik nalunaaqutsiisoqartassaaq, taannalu inniminniinermit ilanngullugu tunniunneqarsinnaavoq.

Kollit tamarmik 1.000 kg-inik annerusumilluunniit oqimaassuseqartut oqimaassusimik tamarmiusumik eqqoqqissaartumik nalunaaqutserneqarsimassapput. Tamatuma saniatigut nassiussani suussutsini ataasiakkaani nalunaaqutsiinissamut sukumiinerusunik piunasaqaateqartoqarsinnaavoq. Taakku 2.4-mi **LCL (Nassiussat tamalaat) aamma FCL (Containerit sullitamiit immikkat) – Nassiussat nalinginnaasut** takuneqarsinnaapput, aamma nalunaaqutsiussaq imermik pitarneqarsinnaassanngilaq qaamanermillu sunnerneqarsinnaassanani.

Nassiussat eqqunngitsumik imaluunniit amigartumik nalunaaqutsikkat tunniunneqarnerminni itigartinneqarsinnaapput.

2.2.2 UUTTORTAANEQ AKIANILLU NAATSORSUINEQ

Nassiussinerup akia nassiussap annertussusia imaluunniit oqimaassusia, aamma palletsi/allegutaq ilaatillugit, naapertorlugit naatsorsorneqassaaq.

Annertussuseq nalinginnaasumik kubikmeterimut marlunnik decimalilerlugu naatsorsorneqartassaaq.

Nassiussaq kbm-imut 600 kg sinnerlugit oqimaassuseqarpat oqimaassusia kg-inngorlugu marlunnik decimalilerlugu naatsorsorneqassaaq.

Nassiussat 0,33 kbm sinnerlugit angissuseqartut imaluunniit 20 kg sinnerlugit oqimaassuseqartut ajassaataasalinnik passunneqarsinnaassapput, tak. siulianiittoq Poortuineq. Nassiussanut taakkununga makku atuupput:

Nassiussat angissusaannut uuttukkat

- Nassiussat sullitap nammineq palletsiutaanut/allegutaataanut ilillugit tunniunneqarpata nassiussap angissusaa uuttorneqassaaq palletsip/alleguttap angissusaa, silissusia takissusialu ilanngullugit.
- Nassiussassaq palletsitalerneqarani/allegutserneqarani tunniunneqarpat angissusia uuttortarneqartassaaq silissusia, takissusia portussusialu naatsorsuutigalugit palletsip / alleguttap angissusianik ilallugit. Tamatuma saniatigut 2 kubikmeterinngornerit tamaasa palletsimik ataatsimik attartornermut naatsorsuisoqartassaaq, takuuk akit nalunaarsorsimaffiat www.ral.gl-imiittoq.

Nassiussat oqimaassusiinut uuttukkat

- Nassiussaq sullitap nammineq palletsiutaanut / allegutaataanut ilillugu tunniunneqarpat nassiussap oqimaassusia palletsi / allegutaq ilanngullugu naatsorsorneqassaaq.
- Nassiussaq palletsitalernagu / allegutsernagu tunniunneqarpat palletsimik / alleguttami ilassuserlugu oqimaassusia naatsorsorneqassaaq. Tamatuma saniatigut 1.200 kg aallarneneri tamaasa palletsimik attartorneq ilanngullugu naatsorsuutigineqartassaaq.

Nassiussinerup akia naatsorsorneqassaaq nassiussap angissusia oqimaassusialuunniit naapertorlugu, palletsi / allegutaq ilanngullugu. Palletsimik pisinermit attartornermullu akit atuuttut pillugit www.ral.gl takuuk.

Palletsip oqimaassusianut attartorneranullu ilassutit tulliuuttumitut naatsorsorneqassapput:

Nassiussap oqimaassusia	Palletsip oqimaassusianut ilassut	Palletsimik attartorneq
20 kg sinnerlugu 100 kg ilanngullugu	15 kg	Aap
100 kg sinnerlugu 1.200 kg ilanngullugu	30 kg	Aap
Nassiussat katillutik 1.200 kg sinneqarpata ilanngullugit naatsorsuutigineqassapput:		
0 kg-mit 100 kg ilanngullugu	15 kg	Aap
100 kg sinnerlugu 1.200 kg ilanngullugu	30 kg	Aap

Palletsinik attartornermut piumasagaatit, RAL-palletsit

Palletsit Royal Arctic Linemut aaneqassapput tunniunneqarlutillu. Assartuinerup naammassineranik kingusinnerpaamik ullut arfineq pingasut qaangiunnerini palletsit Royal Arctic Linemut utertinneqassapput, allatut isumaqatigiissuteqartoqarsimangippat. Piffissap tamatuma kingorna palletsimut ataatsimut ullorsiorlut malillugit ullormut akiliuteqartitsisoqartassaaq.

Palletsit Royal Arctic Linemut pigineqarput piffissamilu palletsip atornerqarnerani ajoquserneranut tamannarneqarpalluunniit attartortoq akisussaasuvoq, palletsip Royal Arctic Linemut paarineqarnera minillugu. EUR-palletsit taarserneqarneq ajorput. Royal Arctic Linep palletsiutaanik tammartoqarpat imaluunniit akuerisaanngitsumik atuisoqarpat taarsiissutitut pisiarineqarnerani akia akilerneqassaaq, akinut atuuttunut akit nalunaarsorsimaffiat. Royal Arctic Linep angallavigisaata avataani assartuinissamut, suliffissuarni quersuarnut tunniussinermut, assigisaanulluunniit, Royal Arctic Linep palletsiutaanik pisisoqassappat, akinut atuuttunut akit nalunaarsorsimaffiat takuuk.

2.2.3 NASSIUSSAT AKIISA MINNERPAAFFISSAAT

Nassiussat akiisa minnerpaaffigissaat tassaavoq akiligassiissutaasinnaasoq minnerpaaq. Nassiussat akiisa minnerpaaffii atornerqartarput nassiussat akii naatsorsukkat (umiarsualivimmi nassiunneqarfiani tiguneqarfianilu passussinermut kiisalu imaatigut assartuineranut akit) nassiussat akiisa minnerpaaffissaannit appasinnerusaraangata.

Nassiussat akiisa minnerpaaffissaat www.ral.gl-mi assartuineranut akigititani takuneqarsinnaapput. Nassiussat akiisa minnerpaaffissaannut tapit qaqugukkulluunniit atuuttut ilanngunneqartarput.

2.2.4 QUERSUARMIITITSINERMUT INISSAMULLU AKILIUTIT

Tunniussinissamut piffissaliussaq sioqqullugu nassiussassanik tunniussisoqartillugu quersuarmititsinermut inissamulluunniit akiliut akilerneqassaaq imaluunniit nassiussat piffissaliussat iluanni aaneqarsimangippata. Quersuarmititsinermut inissamullu akiliutit aamma akiligassanngortinneqassapput piffissap naatsorsorneqartussaangitsaq sapaatip akunnerata naanerani nalliuttuniluunniit qaangiukkalarpat. Akigititat atuuttut www.ral.gl-imi takuneqarsinnaapput.

2.3 FCL (CONTAINERIT SULLITAP POORTUGAI) ATAATSIMUT ISIGALUGIT

Matuma kinguliani allatut nassuiaasoqarsimanngippat Aalajangersakkat nalinginnaasut nassiussanut taakkununga atuupput.

Containerit sullitamiit poortukkat (FCL) tassaapput assartukkat suulluunniit containerinut (soorlu flatracks, tankcontainerit il.il.) nassiussisumit issorakkat tiguisumillu niooqqakkat.

Containerit sullitamiit poortukkat taaneqartarput FCL (Full Container Load).

FLC-inut akit tamarmik "attarmoortunut akiupput", tassa containerit iluini kbm-it qassit poortorneqarsimanerat apeqqutaangilaq. Nassiussat FLC nassiussanut ima immikkoortiterneqartarput:

Nassiussat suuneri	Immikkoortut
Nalinginnaasut	2.4 LCL (nassiussat tamalaat) kiisalu (containerit sullitamiit poortukkat) – Nassiussat nalinginnaasut
Aalajangersimasumik kissassuseqartitat	2.5 LCL (nassiussat tamalaat) aamma FCL (containerit sullitamiit immikkat) – nassiussat aalajangersimasumik kissassuseqartitat
Navianartut	Immikkoortut
Navianartut aalajangersimasumik kissassusillit	2.6.3 Nassiussat navianartut aalajangersimasumik kissassuseqartitat
Saviminikut	2.7 (nassiussat tamalaat) kiisalu FCL (containerit sullitamiit immikkat) – Saviminikut
Nassiussat Flatrackit	2.8 LCL (nassiussat tamalaat) kiisalu FCL (containerit sullitamiit immikkat) – nassiussat Flatrack
Assartuutit	2.10 LCL (NASSIUSSAT TAMALAAT) KIISALU FCL (CONTAINERIT SULLITAMIT IMMIKKAT) – ASSARTUINERMI ATORTUT

Containerimik attartorneq Inissamillu atuinermit akiliutit

Royal Arctic Line mini-containeriinik, 20'-inik aamma 40'-inik kiisalu FCL-inik atortorissaarutini allanik attartorneq Nunatsinnut nunatsinniillu kiisalu nunatta iluani assartuinermit ilaatinneqarpoq. Tamanna aamma atuutsinneqarpoq Islandikkoortinneqartunut. FCL-inik nassiussinermi containerimik attartorneq inissamillu atuinermit akiliutit naatsorsorneqassapput piffissaq akiliuteqarfiusussaangitsoq ullorsituni ullunik tallimanik qaangerneqarpat. Containerinik attartorneq akigitat atuuttut akit nalunaarsorsimaffianni takuuk.

Inissamik atuinermit akiliut akilerneqassaaq "shipper's own" containerit ulloq tunniussiffissatut

aalajangersarneqartoq sioqqullugu tunniunneqarmata imaluunniit piffissaliussat iluanni aaneqarsimanngippata.

Inissamik atuinermit akiliut aamma naatsorsorneqassaaq piffissap akiliuteqarfiusussaangitsup sapaatip akunnerata naanerani imaluunniit nalliuttuni qaangiussimappat. Inissamik atuinermit akiliutinut akigitat atuuttut akit nalunaarsorsimaffianni takuuk.

2.3.1 ASSARTUINERMI ATUGASSARITITAASUT

Assartuinermit atugassarititaasut tulliuttut kapitali 4-imi **nassiussanut ataatsimut aalajangersakkanut** ilassutitut atuupput. Nassiussisup containeri immertarparaa nammineq akilikkaminik ajutoornissamullu akisussaaffigisaminik, taavalu containerip angissusia / oqimaannerpaaffissaa iluarisaminik atorsinnaallugu aalajangersakkat uku iluanni:

- A** 20' aamma 40' atuuttumik CSC-pladeqassapput ((Convention for Safe Container), tassuunalu takuneqarsinnaavoq containeri qaqugukkut atorunnaartussaannersoq annerpaamillu qanoq oqimaassuseqarsinnaannersoq. Imaasa oqimaannerpaaffigisinnaasaat sipporneqanngisaannassaaq. Kalaallit Nunaanni illoqarfinni nunaqarfinnilu oqimaassusiinut angissusiinullu killiliussat www.ral.gl-imi takuneqarsinnaapput. Imaasa oqimaassusii pillugit paasissutissat Royal Arctic Linep FCL atortuinut atuuttut www.ral.gl-imi nassaarineqarsinnaapput.
- B** Nassiussat containerimiittut tamarmik isumannaatsumik poortorneqarsimassapput qajannaarsorneqarsimallutillu passunneqarnerini assartorneqarnerinilu nassiussat containeriluunniit innarlertussaajunnaarlugit. Nassiussat containerimiittut pitsaanngitsumik poortorneqarsimanerat pillugu ajoqusernerujunnartut Royal Arctic Linep susassarinnilai. Ilisimaqquneqarpoq Kalaallit Nunaanni angallannermi containerit atortullu allat silap pissusia silalu pissutigalugit sakkortoqisumik pineqarsinnaasarmata.
- C** Containeri uppeqqaajasussaajunnaarlugu oqimaassusii assigiiakkanik immerneqassaaq.
- D** FCL-imiik sullitat nassiussat suussusiisa, oqimaassusiisa kubikmeteriisalu eqqortumik inniminniinermi / tunniussinermi nalunaarneqarsimanissaannut akisussaapput.
- E** FCL-containeri navianartunik imaqarpat containeri tamarmi navianartutut nalunaaqutserneqassaaq, passunneqassaaq, nalunaarneqassaaq, inniminnerneqassaaq nassiunneranullu aki naatsorsorneqassalluni.
- F** Nassiussat navianartut IMDG-ip malittarisassiai naapertorlugit poortuunneqassapput, tak. immikkoortoq **2.4. LCL (Nassiussat tamalaat) aamma FCL (containerit sullitamit immikkat)**
- G** Kaammattuutigineqarpoq nassiussat navianartut annikitsut Royal Arctic Linemut tunniullugit nassiussatut ataasiakkaatut (LCL) nassiunneqartassasut.
- H** FCL-containeri isumannaatsumik parnaarlugu kiisalu akuerisamik containerip matuneranut naqitsisilerlugu parnaaruserluguluunniit nassiussisumit Royal Arctic Linemut tunniunneqassaaq.
- I** Akisussaassuseq eqqarsaatigalugu umiartornermut inatsimmi § 281 naapertorlugu FCL-containeri passunneqassaaq.
- J** Royal Arctic Line imminut pisinnaatippoq, sullitaq ilisimatillugu, nassiussat ataasiakkaat oqimaatsut qajannaarsorsimassusiat misissorniarlugu containeri ammarsinnaassallugu kiisalu pisariaqarpat nassiussisup akiligaanik nassiussat iluarsaqqissallugit. Aammattaaq, sullitaq ilisimatillugu, containeri navianartunik imaqaratarsinnaannersoq paasiniarlugu imaluunniit nassiussat innarlarsimasoralugit ammassallugu misissussallugulu. Aammattaaq inniminniinermut uppernarsaammi nioqqutissat nalunaarutigineqartut imarisaanut naapertuunnersut paasiniarlugu, sullitaq ilisimatillugu, FCL-containerimik Royal Arctic Line misissuisinnaatitaavoq. Nassiussisup nassiussanik nalunaarsugaanut naapertuutinngitsoqassagaluarpat taakku nassiussinermit akit naatsorsorneqarneranni iluarsineqassapput.
- K** Containeri FCL-atortullu allat nassiussassatut tunniunneqartut sumunnarfii taamaallaat allanngortinneqarsinnaapput allannguinermit akiliutinik akiliinikkut, kiisalu allannguinerup toqqaannartumik kingunerisaanik aningaasartuutit akilernerqarnerisigut. Sumunnarfiup allanngortinneqarnissaa sioqqullugu nassiussat niuneqarpata nassiussat tunniunneqassapput nassiunnerinullu nutaamik akiliisitsisoqassalluni.
- L** Nassiussat pineqartut NOR containerinut (Non Operating Reefer) **poortuunneqassanngillat.**

Biilit

Nappartat uuliap puui

Nassiussat uuliamik k̆levæskemilluunniit imaqartut

Nassiussat takisoorsuit containerip iluatungaanik ajoqusiisinnaasut

Nassiussat nuugissunik teqeqqullit

Nassiussat tipeqarsinnaasut atuereernerullu kingorna eqqiarneqarsinnaanngitsut

Mini containerit

2.3.2 CONTAINERINUT ATUGASSARITITAASUT

Containerit sullitanit poortukkat kiisalu FCL-it atortut allat sullitanit poortukkat soorlu flatrack, tankcontainerit allallu eqqarsaatigalugit makku atuupput:

- A** FCL-inik angallassinerni containerit attartorneqarnerat imaatigut assartuinnermut ilaareerput. Taakkununga ilaapput ulloq tunniussivissaq sioqqullugu attartortup amerlanerpaamik qaammatisiutit ulluini tallimani (aamma weekendini nalliuttunilu) containerimik attartorneri kiisalu containerip tunniunneqariaannartut nalunaarutigineqarneranit qaammatisiutit ulluini tallimani attartorneq. ISO 20' aamma 40' "shipper's own"- containerit Royal Arctic Linep assartuinnermut akigititai naapertorlugu akii naatsorsorneqartarput. Angissutit allat LCL-itut assartornerisa akii naatsorsorneqassapput.
- B** FCL-inik atuisut containerip atorneqarnerata saniatigut qaammatisiutit ulluini sinnerussani containerinik attartornermut akiliissapput (akit nalunaarsorsimaffiat www.ral.gl -imiittoq takuuk).
- C** Containerit Royal Arctic Linemit aaneqarlutillu tunniunneqartarput.
- D** Containeri aatsaat utertinneqartutut naatsorsuunneqalersarpoq imaarneqarluni salinneqareerlunilu Royal Arctic Linep nassiussalerivianut utertinneqaraangami. Utertitat amigartumik salinneqarsimasut Royal Arctic Linemit sullitamut akiligassanngortitamik salinneqassapput.
- E** Allatut ittumik isumaqatigiissusiortoqarsimatinnagu / nassiussat allagartaanni allamik allassimasoqartinnagu Royal Arctic Linep containeriutai taamaallaat atorneqarsinnaapput angallavigisartagaani assartuinnermut.
- F** FCL-containerinik tunniussinermi nassiussisup inniminniinnermut uppernarsaammi containerip normui nalunaarsimassavai.
- G** FCL-containerit tunniunneqannginnerminni nassiussisumit naqitsisilerlugit parnaarneqarsimassapput. Naqitsisaasa normui inniminniinnermut uppernarsaammi allassimassapput.
- H** Containerip pitsaassusia tunniussinermi tigusinermilu Royal Arctic Linemit EIR-mik nalunaarusiami EIR-rapport (Equipment Interchange Receipt) nalunaarneqassaaq.
- I** Containerip atugassanngortinneqarsimanerata nalaani innarlernerinut tammarnanulluunniit nassiussisoq tigusisorlu akisussaapput, aammalu containerip atorneqarnerani sunut ajutoorutaajunnartunut akisussaallutik. Containeri amigaateqarpat toqqaannartumik toqqaannanngitsumilluunniit annaasanut sullitaq taarseeqqusisinnaanngilaq.
- J** Kalaallit Nunaannit avammut niuernerminni containerit atugassatut inniminnikkat atorunnaarsinneqarpata imaluunniit inniminneeqqaarnermit ikinnerulersinneqarpata Royal Arctic Line atorunnaarsitsinnermut akiligassiisinnaavoq.
- K** Containeri sullitamut atugassanngortinneqarsimanerata nalaani innarlernerqarpat, aseruippat

imaluunniit tammarpat Royal Arctic Line taarsiissutissanik piumasaqassaaq taarsiinermut akigitat tulliuuttut naapertorlugit:

Suussusia	Angissusia	Nalinga USD
DC	20'	3.500
DC/DH	40'	5.000
OT	20'	4.500
FC	20'	5.000
FC/FO	40'	8.500
RF	20'	25.000
RH	40'	30.000
MC	05'	3.000

2.4 LCL (NASSIUSSAT TAMALAAT) KIISALU FCL (CONTAINERIT SULLITAMIT IMMIKKAT) – NASSIUSSAT NALINGINNAASUT

2.4.1 LCL (NASSIUSSAT TAMALAAT)

Matuma kinguliani allatut nassuiaasoqarsimanngippat Aalajangersakkat Nalinginnaasut nassiussanut taakkununga atuupput.

Nassiussat nalinginnaasut LCL ataaniittut imaalineqarsinnaasut:

- containerinut issoraanneqarsinnaasut
- nassiussat allat ataaniinngitsut (takuuk imarisaanik nalunaarsuiffik)

Malugiuk nassiussat ilaannaat nassiussatut nalinginnaasutut nassiunneqarsinnaammata. Nassiussat ilaat soorlu qalipaait, akuutissat, orsussat uuliakkullu *nassiussatut navianartutut* nassiunneqartassapput.

2.5 LCL (NASSIUSSAT TAMALAAT) AAMMA FCL (CONTAINERIT SULLITAMIT IMMIKKAT) – NASSIUSSAT AALAJANGERSIMASUMIK KISSASSUSEQARTITAT

Matuma kinguliani allatut nassuiaasoqarsimanngippat Aalajangersakkat nalinginnaasut nassiussanut taakkununga atuupput.

*Nassiussat aalajangersimasumik kissassuseqartit*at suulluunniit aatsaat siumoortumik inniminniinikkut tiguneqartarput assartorneqartarlutillu.

Nassiussat aamma taakku taaneqartarput TCC (Temperature Controlled Cargo). Taakku kissassutsinut tulliuuttunut agguataarsimapput:

- Qeritit / Ineriikkat tassaasut nioqqutissat qerisut -18° C-inik ataallugilluunniit nillissuseqartitassat. LCL tunniunnerini nillissusissaat: Qerisut -18° C-inut ataallugilluunniit nillissuseqalersinneqarsimassapput. FCL tunniunnerini nillissusissaat: Qerisut -18° C-inut ataallugilluunniit nillissuseqalersinneqarsimassapput containerinut issoraneqartigatik, nillissusissaannullu killigititaq tunniunneqarnissaasa tungaanut malinneqassaaq.
- Inuit ataasiakkaat qerisunik nassiussat pillugit ilanngaaserinermi malittarisassat malugikkat. Takuuk www.ral.gl.

- Nillartaartitat, tassa inuussutissat asiujasut 2-5° C-inik nillissuseqartillugit assartugassat. LCL tunniunnerini nillissusissaat: Nillartaartitat 2-5° C-inut nillissuseqalersinneqarsimassapput. FCL tunniunnerini nillissusissaat: Nassiussat nillartaartitat -2-5° nillissuseqalersinneqarsimassapput containerinut issoraneqartigatik, nillissusissaannullu killigititaq tunniunneqarnissaasa tungaanut malinneqassaaq.
- "Qeritinneqartussaangitsut"(T.I.F.), tassa nassiussat qeritinneqartussaangitsut 0°-imit kissarnerutitassat. LCL tunniunneqarnerini kissassusissaat: Qeritinneqartussaangitsut containerinut issoraanneqanginnerminni 8-10°C-nik qaffasinnerusumilluunniit kissassuseqartinneqassapput, kissassusissaannullu killigititaq tunniussinissap tungaanut malinneqassaaq.

2.5.1 TUNNIUSSINEQ

Nassiussat aalajangersimasumik kissassuseqartitassat kissassusernut immikkoortitat tamarmik immikkut inniminniinnermut allagartalersorneqassapput. Tunniussinermi kissassusereqqusaasut malinneqangippata nassiussat tunniunneqarnerini itigartinneqassapput. Nassiussat navianartut aalajangersimasumik kissassuseqartillugit nassiunneqartussat assersuutigalugu 0° C-iusussat immikkoortoq 2.6.3-mi **Nassiussat navianartut aalajangersimasumik kissassuseqartit**-ni malittarisassat nassuiarneqartut naapertorlugit tunniunneqassapput.

Nassiussat tamalaat aalajangersimasumik kissassuseqartit annerpaaffissaq tulliuuttoq sippussangilaat:

Takissuseq silissuserluunniit 2,2 m imaluunniit portussuseq 1,9 m

Nunaqarfinnut nassiussat tamalaat aalajangersimasumik kissassuseqartit annerpaaffissaq tulliuuttoq sippussangilaat:

Takissuseq silissuserluunniit 2,2 m imaluunniit portussuseq 1,8 m

Tunniussinermi kissassusereqqusaasut taaneqartut malinneqangippata nassiunniakkat tunniunneqarnerminni itigartinneqassapput. Nassiussat navianartut, aalajangersimasumik kissassuteqartillugit nassiunneqartussat, soorlu kissassuserisassaannut minnerpaaffiliussa q malinniarlugu, immikkoortumi 2.6.3-imi **Nassiussat navianartut aalajangersimasumik kissassuseqartit**-ni malittarisassat nassuiarneqartut naapertorlugit nassiunneqassapput.

2.5.2 POORTUKKAT QERISUT AKILERNEQARTARNERAT

Poortukkat (tunissutit) qerisut Kalaallit Nunaannit Danmarkimut ingerlasut nassiunneri Danmarkimilu ingerlaqqissappata ingerlaqqinneri tunniunneqarnerini tamatigut siumoortumik akilerneqartassapput.

Poortukkat qerisut inuit ataasiakkaat nassiussat (tunissutit) Kalaallit Nunaata iluani nassiunneqartut aammattaq tunniunneqarnerminni siumoortumik akilerneqartassapput.

2.5.3 NUNAQARFIIT

Nassiussat aalajangersimasumik kissassuseqartit nunaqarfinnut taakkunangaluunniit nassiussat assartorneqarnerat nalinginnaasunik usisarfikkut pisarpoq Royal Arctic Line taamaallaat killilimmik umiarsuarnik aalajangersimasumik kissassusilinnik usisarfilinnik umiarsuassaqarmat. Nassiussat taama ittut sullitap nammineq akisussaaffigisaanik assartorneqartarput.

2.5.4 BANANIT

Bananit angallannissaat immikkut inniminnerneqartassapput immikkut kissassuseqartillugit containerini immikkoortuni angallanneqartarmata.

2.5.5 TUNNIUSSINEQ

Kalaallit Nunaanni umiarsualivimmi aalajangersimasumik kissassuseqartillugit LCL-itut nassiussat allamik isumaqatigiissuteqartoqarsimangippat containerimit aalajangersimasumik kissassuseqartitamit niiorarneqareerpa

erngerlugit aaneqartassapput (piffissap qanoq ilinera apeqqutaatinnagu) nassiussanik taama ittunik Royal Arctic Linep toqqortarinnissinnaannginnera pissutigalugu.

Nassiussat qerisussaangitsut (T.I.F.) kiisalu nillartaartitat quersuarmi nalinginnaasumi toqqortarineqartassapput tiguisussap akiligassaamik ajutoornissamat akisussaaffigisaamik.

2.5.6 KISSASSUTSINI SORLERNIISSUSII

Inniminniinermut uppersaammi kiisalu nassiussat titarnernik nalunaqutaanni kissassutsinut sorlernut ataneri erseqqissumik takuneqarsinnaassapput. QERISUT, NILLARTAARTITAT imaluunniit "Qerisussaangitsut" (T.I.F).

2.6 LCL (USIT TAMALAAAT) KIISALU FCL (CONTAINERIT SULLITAMIT IMMIKKAT) – NASSIUSSAT NAVIANARTUT KIISALU AALAJANGERSIMASUMIK KISSASSUSEQARTITAT

2.6.1 TUNNIUSSINEQ

Matuma kinguliani allatut nassuiaasoqarsimangippat Aalajangersakkat nalinginnaasut nassiussanut taakkununga atuupput.

Royal Arctic Line nassiussanik navianartunik imaatigut angallassarpoq IMDG-CODE (International Maritime Dangerous Goods-Code) ilassutaallu 36-12 naapertorlugit.

Nassiussat navianartut tassaapput sananeqaatit taakkulu akuleriinneri, akuutissat kiisalu igitassat, soorlu suikkaasut, imerpalasut silaannaasullu, akuleruttarnermikkut pissutsimikkulluunniit:

- Qaarsinnaasut
- Ipinartut
- Ikuallajasut
- Namminneq ikummarsinnaasut
- Ikuallassaataasut
- Toqunartullit
- Tunillannartut
- Peqqissusermut ulorianartut
- Radiup qinngornillit
- Neriuisartut

aammalu eqqunngitsumik toqqortarineqarunik, passunneqarunik assartorneqarunillu inunnut, uumasunut, avatangiisinut, illunut, assartukkanut allanut kiisalu assartuutitut navianaateqarsinnaasut.

Kalaallit Nunaannut / tassanngalu kiisalu taassuma iluani assartugassanik ulorianartunik tunniussinermi nassiussup akisussaaffigaa nassiussat *nassiussanik navianartunik nalunaarummik* (www.ral.gl-imi aaneqarsinnaasumik qarasaasiakkullu immersorneqarsinnaasumik) eqqortumik immersorsimasumik ilaqartinneqarnissaat, takukkit IMDG malittarisassat kiisalu FCL-inik assartuinnermi immiussanut uppersaartit. Taamaattoqanngippat nassiunniakkat Royal Arctic Linemi itigartinneqassapput. Nassiussanut tamalaanut tunngatillugu Royal Arctic Linep containerit immertassavai immiunneqartunullu uppersaammik taakkununga atasumik suliaqassalluni.

Nassiussat FCL-imiittut navianartortaqpata containerip nassiunneqarnera tamarmi nassiussatut navianartutut naatsorsorneqassaaq.

Nassiussat navianartut assartorneqarnerat pillugu sukumiinerusumik ilitsersuutit malittarisassallu www.ral.gl-imi takukkit.

2.6.2 EQQUSSINERMUT AKUERSISSUT

Sananeqaatit ilaat – soorlu qaartiterutissat – eqqussinermut akuersissuteqartariaqarput. Eqqussinermut akuersissutip taassuma isumaginissaa sullitap akisussaaffigaa. Eqqussinermut akuersissut pigineqanngippat Royal Arctic Line nassiunniakkanik assartueqqusaanngilaq.

2.6.3 NASSIUSSAT NAVIANARTUT AALAJANGERSIMASUMIK KISSASSUSEQARTITAT

Nassiussat Navianartut aalajangersimasumik kissassuseqartitatut nassiunneqartussat kissassuseq taasaq atorlugu assartorneqassapput.

Nassiussat tamalaat navianartut aalajangersimasumik kissassuseqartitat annerpaaffissanik ukuningga qaangiisangillat:

Takissuseq silissuserluunniit 2,2 m imaluunniit portussuseq 1,9 m

Nunaqarfinnut nassiussat tamalaat navianartut aalajangersimasumik kissassuseqartitat annerpaaffissanik ukuningga qaangiisangillat:

Takissuseq silissuserluunniit 2,2 m imaluunniit portussuseq 1,8 m

Kalaallit Nunaannit Kommunekemimut assartuinnermi Royal Arctic Line Danmarkimi nassiussanik ilanngaaserisunut isumannaartitsissaaq nassiussisoq allatut aaqqiiniarsimangippat. Tamatumunnga aningaasartuutit nassiussisup isumagisassarai, tamatumunngalu akiliutit tunniussinnermi siumoortumik akilerneqartassapput Royal Arctic Linep assartukkanut aalajangersagai atuuttut naapertorlugit. Assartuinnermut aningaasartuutit, aamma Kommunekemip tigooraavianut ingerlateqqinneqarneranut aningaasartuutit nassiussisup isumagisassarai.

2.6.4 TUNNIUSSINEQ – NASSIUSSAT NAVIANARTUT KIISALU NAVIANARTUT AALAJANGERSIMASUMIK KISSASSUSEQARTITAT

Kalaallit Nunaanni umiarsualivimmi nassiussat navianartut aalajangersimasumik kissassuseqartitat allamik isumaqatigiissuteqartoqarsimangippat containerimit aalajangersimasumik kissassuseqartitamit niiorarneqareerpata erngerlugit aaneqartassapput (piffissap qanoq ilinera apeqqutaatinnagu) nassiussanik taama ittunik Royal Arctic Linep toqqortarinnessinnaannginnera pissutigalugu.

Sananeqaatinik qaarsinnaasunik Royal Arctic Line toqqortarinneqqusaanngimmat taakku niiorarneqariitsiarnerini tiguneqassapput.

2.6.5 ALLAT

Aammattaaq takuuk umiartornermut inatsimmi § 257 nalunaaqutsersuineq, qanoq issutsit isumannaallisaanerillu pillugit.

Nassiussat oqimaassusii annertussusiilu nalunaarneqartarput tamatigut palletsitaat / allequtaat ilanngullugit.

2.7 LCL (NASSIUSSAT TAMALAAT) KIISALU FCL (CONTAINERIT SULLITAMIT IMMIKKAT) – SAVIMINIKUT

Matuma kinguliani allatut nassuiaasoqarsimangippat Aalajangersakkat nalinginnaasut nassiussanut taakkununga atuupput.

Nassiussat saviminikut tassaapput saviminikut suulluunniit, sisaat, saviminerit, kanngussaat, aluminiut, aqerlut ilivitsuutillugit sanaartukkat aggukkalluunniit kiisalu saffiugassat igitassat allallu, aatsillugit atoqqinneqartussat. Taakkununga ilaapputaaq biilikut, usisaatikut, entreprenørit atortui, traktorit, kivittaatit, ajassaataasallit, bussit, saviminernik sanaartukkat (ilaanngillalli angallatit atorunnaartut ilivitsut, prammit assigisaallu). Tamakku saniatigut aamma eqqakkat nunani allani atueqqissarfinnukartut, qisuit, igalaamerngit plastikkillu, kiisalu sanaartornermi

atortussiat toqunartunik seerisinnaasunik akoqanngitsut (ulluinnarni eqqakkat imaluunniit eqqakkat mikiarsinnaasut imaluunniit tipittut.)

2.7.1 ASSARTUINERMI ATUGASSARITITAASUT

Assartukkat saviminikut navianartunik akoqaqqusaanngillat (IMDG), takukkit nunat tamalaat imarsiornermut malittarisassaasat (IMDG-koder).

Assartukkat saviminikut tunniunneqarneranni batteriit peerneqarsimassapput kiisalu hydraulikkat imertaat, uuliat, benzinat, petroleum, diesel allallu maqinneqarsimassallutik. Taamaattoqanngippat atortukut Royal Arctic Linemit tigujumaneqassanngillat. Nunakkoorutit motorillit atorunnaartut taamaallaat ilanngunneqarsinnaapput Royal Arctic Linemut nalunaarutigineqarsimagunik tassanngalu uppersarneqarsimagunik.

Sullitaq isumasioqqaanngikkaluarlugu Royal Arctic Line assartukkanik saviminikunik ingutserisinnaatippoq.

Nassiussassatut tunniunneqartut ilumut saviminikutut oqaatigineqarsinnaanerannik naliliinissamut Royal Arctic Line imminut pisinnaatippoq.

Assartukkat saviminikut Kalaallit Nunaanni taamaallaat nunaqarfinit illoqarfinit nassiunneqarsinnaapput. Saviminikut nalinginnaasumik Kalaallit Nunaannut eqqutequsaanngillat, taamaallaat Kalaallit Nunaannit anninneqarsinnaallutik.

2.7.2 NUNAQARFIIT

Royal Arctic Linep nassataqarsinnaassusiata kivitsisinnaassusiatu killeqarnera pissutigalugu oqimaatsunik aamma/imaluunniit angisuunik assartuinarneq killeqarpoq. Nassiussat ataasiakkaat, killiliussanit oqimaannerusut, imaluunniit 10 m, 6m imaluunniit 2 meterinit tannerusut, silinnerusut portunerusulluunniit Royal Arctic Linemut immikkut isumaqatigiissuteqarnikkut taamaallaat assartorneqarsinnaapput. Nunaqarfinit illoqarfinnullu ataasiakkaanut assartukkanut killiliussat pillugit takuuk www.ral.gl.

2.7.3 INNIMINNIINEQ

Aallarussisoqarsinnaalersinnagu saviminikunik assartugassanik inniminniineq Royal Arctic Linemit uppersarneqaaqqaartassaaq tassanngalu assartugassat misissorneqaaqqaartassallutik.

2.7.4 TUNU

Tunu eqqarsaatigalugu FCL-imut LCL-imullu akigitat taamaallaat saviminikunut atuuttarput umiarsualivinni Royal Arctic Linemit toqqaannartumik sullinneqartuni aammalu siumoortumik isumaqatigiissuteqarnikkut. Tunumit saviminikunik assartuinissamik inniminniineq Nuummi Royal Arctic Linemut saaffiginnikkut pissaaq.

2.8 LCL (NASSIUSSAT TAMALAAT) KIISALU FCL (CONTAINERIT SULLITAMIT IMMIKKAT) – NASSIUSSAT FLATRACK

Matuma kinguliani allatut nassuiaasoqarsimanngippat Aalajangersakkat nalinginnaasut nassiussanut taakkununga atuupput.

Nassiussat Flatracks tassaapput flatracksit sullitamik kiisalu LCL-it tamarmik 2,3 m-init tannerusut silinnerusulluunniit.

Nassiussat angisuutut isigineqassapput ukunanga annerugunik:

LCL: Takissuseq imaluunniit silissuseq 2,3 m imaluunniit portussuseq 1,9 m

FCL: Takissuseq 11,9 m imaluunniit silissuseq 2,4 m imaluunniit portussuseq 1,9 m

2.8.1 NUNAQARFIIT

Nunaqarfinnut assartuinermi usisinnassutsip kivitsinnaassutsillu killeqarnerat pissutigalugu oqimaatsunik aamma/imaluunniit angisuunik assartuiniarneq killeqarpoq. Royal Arctic Linemut immikkut ittumik isumaqatigiissuteqarnikkut taamaallaat nunaqarfinnut nunaqarfinniillu flatracksinik assartuisoqarsinnaavoq.

2.8.2 TUNNIUSSINEQ

Nassiussat angisoorsuit pillugit aalajangersakkat akigitallu immikkoortoq 3.1-mi **ASSARTUINERIT ALLAT – NASSIUSSAT ANNERTUUT**-mi nassaarineqarsinnaapput.

2.9 LCL (NASSIUSSAT TAMALAAAT) KIISALU FCL (CONTAINERIT SULLITAMIT IMMIKKAT) – QAMUTIT MOTOORILLIT AAMMA ANGALLATIT

Matuma kinguliani allatut nassuiaasoqarsimangippat Aalajangersakkat nalinginnaasut nassiussanut taakkununga atuupput.

Qamutini motoorilinni pineqarput biilit inunnik angallassitsutit, biilit usisaatit, biilit qatserussuit, ATV-t, ambulancit aamma bussit. Sanaartortut maskiinaannit pineqarput bulldozerit, frontloaderit, traktorit, maskiinat assaassutit, scraperit, dumperit, gaffeltrucksit, kompressorit, kranit atortullu allat ingerlatinneqarsinnaasut. Kranit sanaartornermi atugassat isatersimassapput. ATV-nut tunngatillugu SPS363 (Special Provision) atuutsinneqarpoq annerpaamillu 2,3 m-inik takissuseqarsinnaalluni.

Angallatini pineqarput umiatsiat motoorillit motooritaqanngitsulluunniit imaluunniit qaallit qaaqanngitsulluunniit, prammit, puttasut, angallatit initalit aalisariuteeqqallu, umiatsiat allallu.

Malugiuk knallertit, motorcykelit, qamuteralaat, vandscooterit, ATV-t SPS363-eqanngitsut, Ivikkanik killuutit motoorillit, pilattuutit motoorillit umiarsuarnullu, angallatinut, biilinut, qulimiguulinnut timmisartunullu suluusalinnut allanullu motoorit nunakoorutitut imaluunniit angallatitut naatsorsuunneqanngimmata nassiussatulli nalinginnaasutut naatsorsuunneqarlutik, tanki orsussaasivik ¼-imit annertunerusumik immerneqarsimangippat imaluunniit 250 literit sinnerneqarsimangippata. Nassiussanut tamalaanut annertussutsimut killigitat qaangerneqarsimappata nassiussatut angisoorsuurtut nassiunneqassapput.

2.9.1 ASSARTUINERMI ATUGASSARITITAASUT

Pisattat atortulluunniit aalajangerlugit ikkussuunneqanngitsut ajoqusiisimappata, tillinniartoqarsimappat tammartoqarsimappalluunniit tamanna Royal Arctic Linep susassarinngilaa.

Qamutit motoorillit angallatillu assartorneqarnerminni illikarneqarsinnaaniassammata assartorneqarnermi nalaanni annerpaamik 1 literimik orsersimassapput.

Maskiinap assartorneqarnerani, usilersuutiginerani usingiarnermiluunniit Royal Arctic Linep sulisuinit aqunneqassappat atornissaanut ilitsersuutinik matuersaataanillu tunniussisoqassaaq.

Nassiussat tamarmik tamakkerlutik oqimaassusaat eqqortumik ilisarnaaserneqarsimassapput kiisalu takissusaat, silissusaat portussusaallu aamma ilanngunneqassallutik.

Nassiussat pisattat aalajangerlugit ikkussuunneqarsimangitsut immikkut Royal Arctic Linemut tunniunneqassapput, taakkulu nassiunneqarneri assartuinermi maleruagassat malillugit akilerneqassapput.

Qamutit mootorillit, sanaartortut maskiinat atortagaat angallatillu nassiussanik allanik imaqassanngillat, tamatumani pisattat imaluunniit atortut aalajangerlugit ikkussuussimangitsut aamma pineqarput.

Nassiussat nalituunik, soorlu radiunik, nipilersuutunik appisimaarutunik, radarinik, GPS-inik assigisaanillu, atortulersorneqarsimappata inniminniinermut uppersarsaammi nalunaarsorneqassapput.

2.9.2 INNIMINNIINEQ

Qamutit mootorillit, sanaartortut maskiinat atortagaat angallatillu aatsaat usiliunneqarsinnaapput Royal Arctic Linemut nalunaarutigeqqaarsimatillugit uppersarsarneqareersimatillugillu. Nassiunneqartussatut nalunaarutiginerini uuttuutai eqqortut nalunaarutigineqassapput (takissusaat, silissusaat portussusaallu) kiisalu tamakkiisumik oqimaassusaat. Inniminniinermi ingerlatip mootorillip/angallatip suunera nalunaarutigineqassaaq.

2.9.3 NALUNAAQUTSERSUINEQ AAMMA POORTUINEQ

Sanaartortut maskiinat atortagaat qajannaatsunik akuerisaasunillu kivitsivissartaannik ikkussivigineqarsimassapput, taakkulu kingorna noqarutseruissamut kivitsinissamullu ninngusuujusariaqarput. Dumperit siuini aquinilu aalajangerfilerneqarsimassapput.

Angallatit - tamatumani umiatsiat angallatillu ilanngullugit - Atlantikup Avannarpasissuani assartorneqarnerini ajoquserneqarsinnaanngitsunik qajannaatsunik ilitsivilerlugit tunniunneqassapput, ilitsiviillu Royal Arctic Line allatut isumaqatigiissuteqarfigisimangikkaanni ajassaataasalinnik isumagineqarsinnaasunngorlugit suliaassapput. Angallat qajannaatsumik assartornissaanut ilitsivianut noqarusorsimassaaq.

2.9.4 NASSIUSSINERMUT AKI

Nassiussap suunera tunngavigalugu portussusaanut sanilliullugu kvadratmeterinngorlugu nassiussinerup aki naatsorsorneqassaaq imatullu uuttortarneqassaaq oqimaalutarneqarlunilu:

	Silissuseq	Takissuseq	Portussuseq	Oqimaassuseq
	<u>meter</u>	<u>meter</u>	<u>meter</u>	<u>ton</u>
Qamutit mootorillit	5	11,9	2,0 - 4,0	40
Sanaartortut maskiinat atortagaat	5	11,9	2,0 - 4,5 - 7,0	40
Angallatit Assigisaallu	5	11,9	2,0 - 4,5 - 7,0	40

Uuttuutit oqimaassutsillu killissaattut taaneqartut sinnerneqarpata nassiussat akii nassiussatut angisoorsuartut naatsorsorneqassapput, immikkoortoq **3.1, Assartugassat allat, Nassiussat angisoorsuit**, Imaluunniit immikkoortoq 3.2 Assartugassat allat – assartugassat immikkut ittut.

2.10 (NASSIUSSAT TAMALAAT) KIISALU FCL (CONTAINERIT SULLITAMIT IMMICKAT) – ASSARTUINERMI ATORTUT

Matuma kinguliani allatut nassuiaasoqarsimangippat Aalajangersakkat nalinginnaasut nassiussanut taakkununga atuupput.

Assartuinermi atortuni pineqarput:

- iltinut gassinullu ilitsivissiat, sanariikkat ungalusat, angallatinut ilitsiviit, kabelinut imusivissuit, palletsit ungalusat, nipisat suaannut nappartat plastikkit, palletsit ungalusat, aalisakkanut karsersuit, aalisakkanut karsit palletsillu.
- "Shipper's own", MC, 20' aamma 40' containerit, tankcontainerit, flatracks allallu imaqqangitsut.

Nassiussat annertussutsini ataani taaneqartuni aalajangersakkat sinnersimappatigit flatrackikkut nassiunneqassapput, immikkoortoq 2.8, imaluunniit nassiussatut angisoorsuurtut, immikkoortoq 3.1:

Takissuseq 2,3 m imaluunniit silissuseq imaluunniit portussuseq 1,9 m

2.10.1 LCL SULIARINNINNEQ

Palletsit, ungaluliusat, karsit assigisaallu suliariuminartunngorlugit qilerneqarsimassapput imaluunniit katiterneqarsimassallutik.

2.10.2 FCL ASSARTUINERMI ATUGASSARITITAASUT

Containerip CSC-pladeata atuuttuuneranun nassiussisoq akisussaavoq (Convention for Safe Container). "Shipper's own" containerit atuuttumik CSC-pladeqqangitsut itigartitsissutigineqassapput.

2.11 LCL (NASSIUSSAT TAMALAAAT) KIISALU FCL (CONTAINERIT SULLITAMIT IMMIKKAT) – TANKCONTAINERIT

Ataani allanik nassuiaasoqarsimangippat assartukkanun pineqartunut aalajangersakkat nalinginnaasut atuupput.

Tankcontainerinut pineqarput 20' tankcontainerit ("shipper's own") ataasiakkaat najoqqagassanik, imerpalasunik allanik, cementimik, asfaltimik allanillu assartuinissamut ilusilersugaasut. Malugiuk tankcontainerit imaqqangitsut angallassinermi atortutut nassuiarneqartutut assartorneqarsinnaammata.

Nassiussat taama ittut usit navianartut IMO-mi piumasaaqatini nassuiarneqartut tunngavigalugit ilaangillat (IMDG-kodit). Tankcontainerit usit navianartutut nassiussat assartuinissaq pillugu immikkut Royal Arctic Linemut isumaqatigiissutigineqaaqassaaq.

2.11.1 FCL-INUT SARFAQ NAATSORSUUSSAQ

Tankcontainerit immakkut assartorneqarnerini sarfamut ikkunneqassangillat. Umiarsualivinni uninngatinnerinut suliarineqarnerat sarfamullu ikkunneqarsimappata akiligassiissutigineqassaaq.

Containerip imaanik nassuiaatit ISO-mik malitassat atuuttut eqquutsinneqarnissaat nassiussup nammineq akisussaaffigaa. Umiarsualiviit ilaasa tankcontainerit tigusinnaaneq ajorpaat, tassa umiarsualiviit ilaasa nassiussat oqimaappallaartut tigusinnaaneq ajorpaat suliarisinnaanerlu ajorlugit. Umiarsualiviit sorliit oqimaappallaanik tigusaqarsinnaannginnersut Illoqarfinni Nunaqarfinnilu Killigitat www.ral.gl-imi ersipput.

3 ASSARTUINERIT ALLAT

3.1 ASSARTUINERIT ALLAT – NASSIUSSAT ANGISOORSUIT

Ataani allanik nassuiaasoqarsimangippat assartukkanun pineqartunut aalajangersakkat nalinginnaasut atuupput.

Nassiussani angisoorsuarni - soorlu illut, quit, ikkussuuttariaannartut suliat, maskiinat nassiussat, tunisassiorfiit - nassiussat tamarmik pineqarput uuttuutit ataaniittut sinnersimappatigit:

LCL: 2,3 m takissuseq imaluunniit silissuseq imaluunniit 1,9 m portussuseq

FCL: 11,9 m takissuseq imaluunniit 2,4 m silissuseq imaluunniit 1,9 m portussuseq

Nassiussat annikinnerit katillugit 2 kbm-imik annertussusillit, uuttuutunik qulaani taaneqartunik sinnerlugit uuttuutillit, soorlu erfalasulerfiit napparutillu, flatracksitut nassiussatut naatsorsorneqassapput.

3.1.1 ASSARTUINERMI ATUGASSARITITAASUT

Nassiussat angisoorsuit usilersuunneqarlutik qajannaarsorneqareernerminni noqarusersorneqareernerminnilu containerit 20'-t aamma 40'-t inittussuseqataannik (tamakkiisumik ilaannakortumilluunniit) initutigisut assartorneqarnerini akissaa inissaq atugaat tunngavigalugu naatsorsorneqassaaq.

Taamatut nassiussat qajannaatsunik akuerisaasunillu kivitsivissaqartinneqassapput.

Noqarusersorfissaqartinneqassapput aamma. Nassiussap angisoorsuup qanoq ittuunera aamma/imaluunniit uuttuutai tunngavigalugit nassiussat kivinneqarnissaannut kivitsivissaqartinneqarnissaannik Royal Arctic Line piumasaqarnissaminut imminut pisinnaatippoq.

Nassiussat angisoorsuit sullitat namminneq flatracksinut immiussaata containerinut atorineqartunut qajannaatsumik noqarusersorneqarsimassapput, nassiussallu 20' imaluunniit 40' sinnersimappatigit containerit atorineqartut teqequini kivitsivissartai kivinneqarnissaannut asserneqarsimassanngillat.

Malugiuk nassiussat angisoorsuit umiarsuup qaavaniitillugit ukioq tamaat assartorneqassammata.

3.1.2 INNIMINNIINEQ

Nassiussat angisoorsuit aatsaat usiliunneqarsinnaapput Royal Arctic Linemut nalunaarutigeqqaarsimatillugit uppernarsarneqareersimatillugillu. Nassiunneqartussatut nalunaarutiginerini uuttuutai oqimaassusaallu eqqortut kiisalu assartorneqarnerini immikkut qanoq iliuseqartoqassanersoq nalunaarutigineqassapput. Nassiunneqartussat nassiunneqannginnerini nassiussinerup qanoq akeqarnissaa nassiussisup/nassiussinermit akiliisussap akuereqqaassavaa. Nassiunneqartussap assartorneqannginnerani akuersinissaq sullitap nammineq akisussaaffigaa. Nassiunneqartussap akissaanik nassiussisoq/nassiussinermit akiliisussaq akuersissuteqarsimangippat nassiussassaq assartorumaneqanngissinnaavoq.

3.1.3 ASSARTUGASSAP NASSIUNNISSAATA AKISSAANIK NAATSORSUINEQ

Nassiussat angisoorsuit usilersuunneqarlutik qajannaarsorneqareernerminni inissaq (tamakkiisumik ilaannakortumilluunniit) atugaat tunngavigalugu assartorneqarnerini akissaa naatsorsorneqassaaq.

Nassiussap angisoorsuup inissani silissutsit atugai tamaasa 100 %-imik qaavatigut akeqartinneqartassapput.

Nassiussap angisoorsuup inissani portussutsit (1,9 m-imik portunerit) atugai tamaasa 50 %-imik qaavatigut akeqartinneqartassapput.

Nassiussap angisoorsuup oqimaassusaa ataasiaannarlugu akilersinneqassaaq.

3.2 ASSARTUGASSAT ALLAT – NASSIUSSAT IMMIKKUT ITTUT

Ataani allanik nassuiaasoqarsimangippat assartugassanut pineqartunut aalajangersakkat nalinginnaasut atuupput.

Nassiussat immikkut ittut tassaapput Tunngaviusumik Angalanissamut Pilersaarut malillugu imaluunniit assartuinermi najoqqutassiami piumasaqaatit tunngavigalugit ingerlanneqarsinnaanngitsut, nassiussat angivallaartut imaluunniit passukkuminaatsut, imaluunniit tassaasinnaapput usissat assigijaat amerlasoorsuit. Nassiussanut immikkut ittunut

aamma ilaasinnaapput nassiussat immikkoortitaanerannut allanut ilaanngitsut taamaakkamillu immikkut isumagisariaqartut imaluunnit iliuuseqarfigisariaqartut.

Nassiussat immikkut ittut Royal Arctic Linep nalinginnaasumik Tunngaviusumik Angalanissamut Pilersaarutaa malillugu Kalaallit Nunaanni tikiffigisartakkat avataannut ingerlanneqartussaattillugit assartuineranut najoqqutassiaq atuuttoq malinneqassanngilaq, kisianni assartuineranut akiliisitsisoqassaaq pissutsit suliassamut tunngassuteqartut suuneri, piumasaaqatit aamma aningaasartuutit tunngavigalugit.

3.2.1 ASSARTUINERMI ATUGASSARITITAASUT

Assartuinissamut periarfissat akigititassallu pineqartut tunngavigalugit immikkut aalajangerneqartassapput assartuineranut sulinernullu piffissaq atorneqartoq kiisalu atortussat atorneqartut tunngavigalugit.

Nassiussat qanoq ittuunerat apeqqutaatillugu (oqimaassusaat, angissusaat sumunnaassassaanerallu) Royal Arctic Line assartuinermi immikkut imminut piumasaaqateqarsinnaatippoq, aammattaaq assartukkat kivinneqarnissaannut kivitsissutissaata ilaqartinneqarnissaat piumasarisinnaallugu.

3.2.2 INNIMINNIINEQ

Nassiussat immikkut ittut taamaallaat nassarneqarsinnaapput Royal Arctic Linemut nalunaarutigineqarsimagunik akuerineqarlutillu. Nalunaarutigineranni ilanngullugit nalunaarutigineqassapput assartugassat uuttuutaat eqqortut (takissusaat, silissusaat portussusaallu), poortuutaat ilanngullugit oqimaassusaat, aammattaaq angallassinermi immikkut piareersaataasinnaajunnartut ilanngullugit.

Nassiussat immikkut ittut pillugit saaffigininnerit tamarmik Royal Arctic Linemut projects@ral.gl-ikkut pissassapput.

Assartuinerit tamarmik Royal Arctic Linep assartuinermi aalajangersagaani kapitali 4-mi allassimasut malillugit pissapput. Malugiuk akisussaaneq Umiartornermut inatsit naapertorlugu killeqarmat.

3.3 ASSARTUGASSAT ALLAT - UUMASUNIK UUMATILLUGIT ASSARTUINEQ

Uumasunik uumatillugit assartuineq killimmik ukiullu affaani aasap nalaani taamaallaat pisinnaavoq. Umiarsuup sumut ingerlanera paarineqarnissaallu apeqqutaatillugit uumasut uumatillugit Royal Arctic Linep assartorsinnaavai.

Royal Arctic Line, malittarisassat malillugit, uumasunik assartuineranut sutigulluunniit akisussaaffeqanngilaq.

Uumasut uumatillugit assartorneqarnissaat pissaaq oqartussaasut akuersissutaat atuuttut tunngavigalugit. Uumasunik uumatillugit assartuineq malittarisassat, inatsisit eqquutsitassallu allat eqquutsillugit pisassaaq.

Uumasunik uumatillugit assartuineranut tunngatillugu apeqqutissaqaruit Royal Arctic Line Nuuk saaffigissavat. Saaffiginissutit e-mailerutigiuk uunga kundeservice@ral.gl.

3.4 KINGUSINAARLUNI TUNNIUSSINEQ

Piumasaaqatinut akinullu akit nalunaarsorsimaffiat atuuttoq innersuussutigineqarpoq. www.ral.gl

3.5 NASSIUSSAT ALLAT – ILLERFINNIK ASSARTUINEQ

Illerfinnik assartuinermi toqusup allagartaa ilanngunneqartassaaq. Illerfik 20' containerimut nillartaartitamut immikkut ikillugu assartorneqassaaq. Illoqarfimmi/nunaqarfimmi pineqartumi containerimik nillartaartitamik atugassaaqanngippat karsi qisuusoq umiarsualivimmut aqqusaarfiusumut qaninnermut tikinnermi containerimut

allamut nuunneqassaaq. Illerfimmik assartuineq pillugu annertunerusumik paasisaqarniaraanni isumaqatigiissusiorniaannilu Royal Arctic Line saaffigineqassaaq.

3.5.1 ILLERFINNIK ASSARTUINEQ – ASSARTUINERMI AKIGITITAT

Assartuinermi akigititaq ataasiuvoq:

Aarhusimit Kalaallit Nunaannut	DKK	1.500
Kalaallit Nunaannit Aarhusimut	DKK	1.500
Kalaallit Nunaata iluani	DKK	1.000

3.5.2 ASSARTUINERMI ATUGASSARITITAASUT

Royal Arctic Line LCL-imut najoqqutassat malillugit illerfinnik assartuinissamik neqerooruteqarpoq.

Toqusoq bodybagimi matoqqasumiitillugu karsimut qisuusumut sitsiaatsumut inissinneqarsimassaaq.

Illerfimmik assartugassaq poortorneqarsimasoq Royal Arctic Linemut tunniunneqassaaq. Royal Arctic Line poortuinissamik puiaanissamillu neqerooruteqanngilaq.

Poortuinissaq assartuinerup nalaani qajannaarsaanissaq kiisalu umiarsualivimmi tigusiffiusussami puiaanissaq nassiussisup nammineerluni isumagissavaa.

3.5.3 IMMIKKUT ITTUT

Umiarsuup aallanginnerani illerfik kingullersaatillugu usiliunneqassaaq. Umiarsuup tikinnerani illerfik siullersaatillugu niuneqassaaq.

4 ASSARTUINERMUT AALAJANGERSAKKAT

Aalajangersakkat ataani allatorneqartut nassiussat Royal Arctic Linep nammineq umiarsuaatiminik attartugaanilluunniit assartorneqartunut tamanut atuutsinneqarput aalajangersakkanullu piumasaqaatinullu allanut Royal Arctic Linemut isumaqatigiissuteqarnermut atatillugu innersuussutigineqartunit tamanit salliutinneqarlutik atuutsinneqarlutik.

§ 1 Royal Arctic Linep nassiussat tamaasa tunngaviatigut containerinut poortortarpai, tamanna pisinnaatillugu, aamma nassiussat isumannaallisarmallugit flatracksinut assartuutinulluunniit assingusunut allanut nassiussanik poortuinissaq periarfissaavoq. Nassiussat poortorneri poortuunnerilu DHAB 2007-imi aalajangersakkat naapertorlugit suliarineqartarput, poortuineq poortuussinerlu umiarsualivimmi usingiarfiullunilu usilersuiffiusumi umiarsualiveqarfimmi pinngippat, taama pisoqartillugu suliassanut tamakkununga umiartornermut inatsit atuutsinneqarmat.

§ 1A Royal Arctic Linep nassiussat containerinut, flatracksinut assartuutinullu assingusunut poortorneqarsimasut tamaasa umiarsuup qaavani usitut assartorsinnaatitaavai. Pissutsit immikkut ittut pisariaqartippassuk usit tamalaat umiarsuup qaavaniitillugit aamma assartorneqarsinnaapput. Royal Arctic Line nassiussanik containerinut imaluunniit allatut matoqqasumik poortorneqarsimasunik Royal Arctic Linemut tunniunneqartunik misissuineq ajorpoq, tassungalu ilanngullugit poortuutit, nassiussat qanoq inneri qanorlu poortuunneqarsimanersut.

§ 2 Royal Arctic Linep sullissineranut ilaapput nassiussasanik umiarsualivimmi usilersuiffiusumi tunniunneqartunik umiarsuarmut usilersuineq, assartuussineq, kiisalu nassiussat umiarsualivimmi usingiarfiusumi usingiarnerat. Nassiussassat tunniunneqarnerinit tigusisussamit tunniunneqarnissaasa tungaanut umiarsuarmi

umiarsualivimmiluunniit Royal Arctic Linemit paarineqartillugit, kingusinnerpaamilli quersuarmiititsinermut/containerimik attartornermut akiliutissap naatsorsorneqarfissaa tunniussinissamut allagartami ulloq allassimasoq nallertinnagu, Royal Arctic Linemit umiartornermut inatsimmi aalajangersakkat malillugit akisussaaffigineqarput. Quersuarmiititsinermut/containerimik attartornermut akiliutissap naatsorsorneqarfissaanut ulluliussap kingorna allakkatigut allatigut isumaqatigiissuteqartoqarsimangippat, nassiussat tiguisussamit akisussaaffigineqarlutillu akiligassanngortinneqassapput. Aammattaaq nassiussanut inniminniinerup uppersarneqarnerani tunniussiffissatut allanneqarsimasoq sioqqullugu tunniunneqartunut, allakkatigut allatigut isumaqatigiissuteqartoqarsimangippat, tunniussiffissap aallartinnissaata tungaanut nassiussassat nassiussisumit akisussaaffigineqarlutillu akiligassanngortinneqarnissaat atuuppoq.

§ 2 A Royal Arctic Line nassiussanik, nassiussat allagartaat naapertorlugu assartorneqartunik, nassiussat allagartaanni tiguisussatut allanneqarsimasumut tunniussinnaavoq.

§ 3 Royal Arctic Linep nassiussanut akisussaaffiata umiartornermut inatsimmi § 280 naapertorlugu assartuussisup akisussaaffigisaa qaangersinnaanngilaa, akisussaaffillu kollimut/nassiussamut immikkoortumut allamut ataatsimut SDR 667-imut killiligaavoq imaluunniit nassiussap tamakkerlugu oqimaassusianut kg-mut SDR 2. Kinguaattooruteqarnermi akisussaaffiup nassiussap pineqartup X 2,5 qaangersinnaanngilaa. Akisussaaffiulli assartuussinissamik isumaqatigiissut naapertorlugu nassiussaq tamarmiusoq qaangissanngilaa. Assartuussinermut allagaammik allagaammiluunniit allamik, nassiussat nalinginik paasisutissiiffiusumik assartuussisumut tunniussisoqarsimappat, tamanna Royal Arctic Linep umiartornermut inatsimmi aalajangersarneqartut naapertorlugit akisussaaffigisaa qaangerlugu akisussaaffilerneqarneranik kinguneqarsinnaanngilaq.

§ 4 Royal Arctic Line umiartornermut inatsimmi § 277 naapertorlugu uumasunik uumatillugit assartukkanik annaasaqarnermut ajoqusertoqarneranullu, taamatut assartuinermi aarlerinaateqarsinnaasunut attuumassuteqartunut akisussaatinneqarsinnaanngilaq.

§ 5 Royal Arctic Linep nassiussanut nalunaarummi nalunaarsorneqarsimanngitsunut inniminniinermilu uppersaateqartinneqanngitsunut sutigulluunniit akisussaatinneqarsinnaanani matumuuna nalunaarutigaa, Royal Arctic Line kukkussuteqaraluarpat sumiginnaasimagaluarpalluunniit tamanna atuuppoq. Royal Arctic Line pisinnaatitaavoq nassiussanik taama ittunik assartuinermik siumoortumik nalunaaruteqaqqaarani unitsitsisinnaalluni.

§ 6 Royal Arctic Line pisinnaatitaavoq assartuussinissaq isumaqatigiissutigineqartup imaluunniit paasisutissiissutigineqartup avataatigut umiarsuarmut allamut isumagitissinnaallugu. Inniminniinnermut uppersaat Royal Arctic Linemit tunniunneqartarpoq, tassanilu sillimaffigeqquneqarpoq nassiussat umiarsuarmut ikineqarnissaannut umiarsuup usilersorneranut pilersaarut inaarutaasoq apeqqutaatinneqartoq. Royal Arctic Linep nassiussanik aallarfassamut kingusinnerusumut nuutsitsisinnaanera isumaqatigiissutigineqarpoq, sullitallu tamatumunnga atatillugu Royal Arctic Linemut piumasaaqateqarsinnaanngilaq.

§ 7 Royal Arctic Line pisinnaatitaavoq nassiussisumut erseqqissumik nalunaaruteqarsinnaalluni assartuussinierup aalajangersimasup ilaa assartuussisumit allamit isumagineqassasoq, Royal Arctic Linelu taamaalluni nassiussat assartuussisumit allamit paarineqarnerini arlaatigut pisoqarnerani annaasaqartoqassagaluarpat akisussaatinneqarsinnaanngitsaq.

§ 8 Royal Arctic Line pisinnaatitaavoq angalanissamut pilersaarutit ingerlaarfiillu nikisissinnaassallugit, pissutsit Royal Arctic Linep naliliinera malillugu tamanna pisariaqartippatigit.

§ 9 Kalaallit Nunaanni Danmarkimilu nassiussanik usilersuinnermut, usingiarnermut aamma/imaluunniit uninngasuuteqarnermut atatillugu pissutsit ajornakusoortuuneri pissutigalugit ajoquserneri, annaeneri imaluunniit kinguaattoorutigineqarneri Royal Arctic Linep akiligassarinnilai. Ajoqusernerit, annaasat imaluunniit kinguaattoornerit taama pisoqarnerani pisimanerisa uppernarsarnissaat Royal Arctic Linemit pisussaaffigineqarpoq.

§ 10 Umiiartoqartillugu sumiiffimmi Royal Arctic Linemit toqqarneqartumi naatsorsuisoqassaaq, York/Antwerpenip ataani malittarisassat kingulliit naapertorlugit, usinillu tiguisussaq (usinik piginnittoq) pisussaataassaaq umiiartoqarnerani akiliummik akiliissalluni ajoqusernerit inatsisit atuuttut malillugit naatsorsorneqareerpata, umiarnermut qularnaveeqqusiussaq tassannga akiligassanngortinneqanngikkaluarpalluunniit.

§ 11 Angallassineq Royal Arctic Linep akigititai kiisalu umiartornermut inatsimmi kapitalimi 13-imi malittarisassat atuuttut naapertorlugit tamatigut ingerlanneqassaaq.

§ 12 Nassiussaq tunniunneqareerpat, tiguisorlu annaasaqarnermik ajoqusernermilluunniit Royal Arctic Linemut allakkatigit ilisimatitsisimangippat, nassiussap tiganerani malugisimasaminik imaluunniit malugisimasariaqakkamik, kiisalu ajoqusersimanerata annertussusaanik paasissutissiisumik imalimmik, taava nassiussaq ajoqusersimangitsutut nassiussallu allagartaanisut allaqqasutut isigineqassaaq. Tunniussinermi nassiussap ajoqusersimamera malugineqanngippat tamanna aamma atuutissaaq nassiussap tiganeranit kingusinnerpaamik ullut pingasut qaangiutsinnagit allakkatigit nalunaarutigineqanngippat. Nassiussaq ajoqusersimappat aserorsimappalluunniit taava Royal Arctic Line nassiussamillu tiguisoq nassiussamik misissueqatigiissapput torersumik ingerlanneqartumik, tassani nassiussap oqimaassusia, angissusia amerlassutsillu paasiniarneqassallutik.

§ 13 Nassiussaq assartuummik allamik Royal Arctic Linep assartuinissamut isumaqatigiissuteqarnermigut atortitaanik angallanneqarnermini ajoqusersimamera, tammaaneqarnera imaluunniit kinguaattoornera paasineqarpat, taava Royal Arctic Line akisussaasuussaaq, assartuinermi inatsisit atuuttut naapertorlugit aammalu nalinginnaasumik peqqussutigineqartut Royal Arctic Linep assartuinermi suleqatigisaani atuuttut malillugit.

§ 14 Aningaasat, pappiaqqat nalillit, allallu nalillit pillugit, Royal Arctic Line taamaallaat akisussaasuussaaq, tamanna pillugu erseqqissumik allakkatigit isumaqatigiissusiortoqarsimappat.

§ 15 Royal Arctic Line nassiussalerinermi piginnittussaataasutut allaqqavoq, ingerlatseqatigiiffiup nakkutigisaaniittuni, ilaatigit nassiussat inissisimaffiini, aammalu quersuarmik attartornermi taamatullu Royal Arctic Linep siusinnerusukkut angallassinernit kiffartuussinernillu pisassarisai kiffartuussisitsisuminngaanneersut. Nassiussaq tamarpat aserorpalluunniit, taava Royal Arctic Line sillimmasiisarfimmit taarsiivigitinnissamut pisinnaatitaavoq, nassiussap akianut aningaasartuutinullu allanut matussusiisussanik. Akileeqqusissut akilerneqanngippat, taava Royal Arctic Line pisussaataavoq aarlerinangitsumik nassiussamik tunisinnaasaminik tunisinnaalluni, taamaalilluni ingerlatseqatigiiffiup pisassarisai, aningaasartuutit ilanngullugit, matussusersinnaajumallugit.

§ 15 A Assartuinnermut akiliut tamatigut akilerneqartassaaq, aamma nassiussaq assartuinnerup naammassineqarnerani ajoqusersimangikkaluarpalluunniit assartuinnermut akiliut utertinneqarsinnaangilaq, imaluunniit nassiussaq ajoqusersimagaluarpalluunniit nassiunnerata akia qaqugukkulluunniit utertinneqarsinnaangilaq taarserneqaranilu.

§16 Royal Arctic Line umiartornermut inatsimmi § 272 naapertorlugu nassiussat aaneqarnissaannik allagaqaraluarnerup kingorna aaneqanngitsoortut tuniniarsinnaatitaavai. Allakkatigut sullitamut Royal Arcticimit nassiussaq tiguisussamut tiguneqarsimasutut isigineqassaaq, allamik tutsaqartoqanngippat. Royal Arctic Linep nalilerpagu nassiussap nalingata tuniarnernerani aningaasartuutaasut matussusernaviannikkai, taava allatut Royal Arctic Linep nassiussaq allatut illersorneqarsinnaasumik atorsinnaatitaavaa. Nassiussaq tunineqarpat aningaasartuutigisallu tamakkiisumik matussuserneqanngippata, taava nassiussisoq akisussaasuvoq aningaasartuutit matussuserneqanngitsut akilissallugit.

§ 17 Royal Arctic Line assartuinnermut usingiaanermut inissimatitsinermullu atatillugu nassiussanik ajoquserunik akisussaasuussanngilaq, ajoqusernerit silap pissusianik peqquteqarpat, allatigulluunniit kiassuseq/nillissuseq peqqutaalluni nassiussaq ajoqusersimappat. Royal Arctic Line taamaammat akisussaasuussanngilaq assersuutigalugu nassiussat nalinginnaasutut allaqqatillugit nassiussat qerisoortutik ajortissimappata.

§ 18 Assartuinnermut aalajangersakkani matumani aalajangersakkat Royal Arctic Linep oqartussaaffii aammalu akisussaaffimmik killeqartitsineri atuutissapput Royal Arctic Linep suliaasaqarfiisa iluini piunasaqaateqartoqarpat, piunasaqartullu uppersarsinnaappagu sulisup sulinermini suliasamillu naammassinniarnermini iliuuseqarsimasoq. Akisussaaffik tamakkiisoq Royal Arctic Linemut suliaasaqarfiinullu tutsinneqarsinnaasooq sukkulluunniit akisussaaffiup killeqarfii qaangissanngilaat, umiartornermut inatsimmi § 280, imm. 3 naapertorlugu.

§ 19 Suliakkiisup pisussaataaffigaa kukkusoqarsimangikkaluarpalluunniit Royal Arctic Line annaasaqartissanagu nassiussanik ajoquseroqarsimappat ima pisoqarsimatillugu, a) paasisutissat nassiussamut tunngassutillit eqqortuunngippata, ersernerluppata imaluunniit amigaateqarpat, b) nassiussaq amigartumik poortorneqarsimappat, amigartumik nalunaaqutserneqarsimappat imaluunniit imarisaasa suussusiisa allassimanerat amigaateqarpat, imaluunniit suliakkiisup amigartumik usiliussimappagu, qajannaarsornerlussimappaguluunniit, c) nassiussaq ajoqusiinnaasunik imaqarpat, Royal Arctic Linemut takujuminaassinnaasunik, d) umiarsuaatileqatigiiffik suliakkiisup kukkussuteqarneranik sumiginnaaneranilluunniit akitsuutunik akiligassaqalerpat imaluunniit pisortat akitsuusersuutaannik eqqugaappat qularnaveeqquseqquneqarpalluunniit. Suliakkiisup akisussaasuuneranik aalajangiussineq immikkoortuni a)-mi b)-milu isiginiarneqassaaq Royal Arctic Line nalunngikkaluarlugu pissutsit qanoq isikkoqarnerisut akuersisimanagera imaluunniit nassiussanut tunngasunik suliakkiisumut naqqiisummik oqaaseqarsimangippat.

§ 20 Nassiussisup usit navianartut imaluunniit usitut navianartutut immikkut allagartaqartinnagit nassiunneqarsinnaanngitsut nassiuppagit paasisutissanik imaqartinnagit, imaluunniit usit suunerinik allaqqatitaqarani, taava nassiussisoq akisussaasuvoq umiarsuaatileqatigiiffimmut assartuisunulluunniit ajoqusernerisut annaasaqaataasunulluunniit, taassuma iluaniilluni akiligassinneqarnerq. Taamaattoqarnerani nassiussisoq pisussaataavaoq umiarsuaatileqatigiiffimmut akitsuutunik DKK 25.000-nik akiliisussaalluni, umiarsuaatileqatigiiffik aningaasatigut annaasaqarsimagaluarpalluunniit.

§ 21 Danmarkimi angallassinermut assartuinnermullu inatsisit isumaqatigiissutillu Royal Arctic Linemi atuutinneqarput. Suliakkiisoq Kalaallit Nunaanninngaanneersuuppata taava Nunatta Eqqartuussisuuneqarfia kisimi pisussaaffeqarpoq aqqiagiinnngissuteqarnerisut angallassinermut assartuinnermut allanillu sullissinerup iluaniittunut Royal Arctic Linep

ingerlatarisaanut aalajangiisussaasutut. Suliakkiisoq Kalaallit Nunaata avataaneersuuppat taava Danmarkimi eqqartuussisoqarfiit, tassunga atallutik SØ- og Handelsretten i København, kisimik aalajangiisussaataapput.

§ 22 Containerinik attartortitsineq/atukkiussineq. Sullitaq containerimik Royal Arctic Linemit attartorsimatilluni ajoqusiippat annaasaqaateqarpalluunniit Royal Arctic Line akisussaasuunngilaq, tassunga ilaallutik nassiussat containerip iluaniittut aserorsimappata containeri sananeqaatimigut kukkuneqarsimappat amigaateqarpalluunniit (qanorluunniit piumasaaqat tunngavilersorneqaraluarpat), Royal Arctic Line nammineq pisuunngikkuni, sulisulluunniit Royal Arctic Linemi mianersugaalliornikkut aseruisimanngippata Royal Arctic Line akisussaasuunngilaq. Royal Arctic Line akisussaasuunngilaq nassiussat kukkuneqarnerinut sumiginnaanermulluunniit, tassaniilluni nioqqummut, sanaartorfimmut, piniarfigisamut, assigisaanulluunniit, nioqqutip sananeqarnerani, tuniniarneqarnerani, iluarsartuunneqarnerani containerilluunniit aserfallatsaalineqarneranut tunngassutilimmut, akisussaaffik inissinneqarsinnaappat, tassani apeqqutaanani kukkunerit taamaattut sumiginnaanermik imaluunniit mianersuaalliornermik tunngaveqaraluarpata. Royal Arctic Linep ataatsimut sullitaminut akisussaaffiata susoqaraluarpalluunniit containerimik attartornermi/atukkiussinermi ajoquseritoqarsimatillugu 15.000 kr.-it sinnissanngilaat. Ajoqusernerit suulluunniit sullitap akisussaaffigai, tassunga ilanngullugu attartornerup/atukkiussinerup nalaani containerimi tammartoqarpoq.

4.1 ASSARTUINERMUT AALAJANGERSAKKAT -NASSUIAATIT

Nassuiaatit ataani allaqqasut Royal Arctic Linep assartuinermit aalajangersagaanut ilaatinneqarput.

4.1.1 ASSARTUINERMUT AALAJANGERSAKKAT

Assartuinermit aalajangersakkat tassaapput Royal Arctic Linep Kalaallit Nunaannut, Kalaallit Nunaannit, Kalaallillu Nunaata iluani Namminersorlutik Oqartussat sullissinissamik akuersissutaat naapertorlugit ingerlatsinermi, aammalu kiffartuussinissamik isumaqatigiissutit nunaqarfiliartarnerni aammalu umiarsualivinni sullissinerit iluini. Taakku saniatigut akissatut aalajangersakkat iluaniipput kiffartuussinerit sullissinerit iluini.

4.1.2 NASSIUSSAT SUUNERI

Nassiussat tamarmik Kalaallit Nunaata iluani avataanilu imatut immikkoortiterneqartarput:

- A **Usit tamalaat (LCL).** Usit tamalaat tassaapput containerinik nassiussat sullitat nammineerlutik poortorsimanngisaat (FLC), soorlu nassiussat angisoorsuit imaluunniit nassiussat immikkut ittut. Usit tamalaat aamma naalisarlugu LCL-imik taaneqartarput (Less Container Load).
- B **Containerit sullitat namminneq poortugaat (FLC).** Containerit sullitat namminneq poortugaat tassaapput nassiussat tamalaat ISO-containerinik FLC-imilluunniit assigisaannik nassiunneqartut (ataani nassuiarneqartutut angallassinermi atortut/FLC-it atortuisa ataanni), nassiussisumit nammineq immerneqartoq, tiguisumillu imaarneqartussa. Containerit sullitat namminneq poortorlugit nassiussa FLC-imik taaneqartarput. (Full Container Load).
- C **Nassiussat angisoorsuit.** Nassiussat angisoorsuit tassaapput nassiussat portussutsimut, silissutsimut takissutsimullu nassiussanut akigititat allattorsimaffianni matumani anginerusut tamarmik.
- D **Nassiussat immikkut ittut.** Nassiussat immikkut ittut tassaapput nassiussat akigititanik aalajangersakkani nassuiaasersorneqartut.
- E **Nassiussat suussusaat.** Kalaallit Nunaata iluani avataanilu nassiussat tamarmik suussutsinut agguataarneqartarput:

Nassiussat suussusaat

- Nassiussat nalinginnaasut
- Nassiussat aalajangersimasumik kissassuseqartitat
- Usit navianartut aalajangersimasumik kissassuseqartitat
- Usit navianartut
- Saviminikunik nassiussat
- Nassiussat allequtsikkat
- Qamutit angallatillu
- Assartuinermit atortut

- F **Containerit sullitanit immikkat (FCL)**

Nassiussat suussusaat

- Nassiussat nalinginnaasut
- Nassiussat aalajangersimasumik kissassuseqartitat
- Usit navianartut
- Saviminikunik nassiussat
- Nassiussat allequtsikkat
- Assartuinnermut atortut

G Allat

Nassiussat suussusaat

- Nassiussat angisoorsuit
- Nassiussat immikkut ittut

4.1.3 ASSARTUINERMUT ATORTUT:

Kalaallit Nunaanni angallannermi assartuinnermut atortut tassaapput:

H LCL-atortut. LCL-atortut tassaapput

- "shipper's own" containerit, flatrackit, collapsible flatrackit, flatbedsit, aamma tankcontainerit, FCL-atortorissaarutit pillugit ataani nassuiarneqartunik naammassinninngitsut
- RAL- aamma EUR-palletsit imaluunniit atortut taakkununga assersuunneqarsinnaasut

I FCL-atortut. FCL-atortut tassaapput

- Royal Arctic Linep MC-containerii
- Royal Arctic Linep kiisalu "shipper's own" 20' aamma 40' ISO-containerii (nalinginnaasut kiisalu kissassutsimut/nillissutsimut nakkutigalugit nassiussat), flatracksit, collapsible flatracksit aamma tankcontainerit. FCL-atortorissaarutit www.ral.gl-imi containerinut nassiussaatinu allaaserineqarput.

J **Sumiiffiit akigititaqarfiit.** Akigititaqarfiit tassaapput illoqarfiit nunaqarfiillu Royal Arctic Linep ingerlavigisartagaanut nalunaarsorsimaffimmiittut www.ral.gl-kkut takuneqarsinnaasumi. Akigitinneqartuni ataasiakkaani nassiussalerinnermut akit assigiiarput.

K **Sumiiffiit ingerlaarfiit.** Royal Arctic Linep nalinginnaasumik ingerlaarfii tassaapput illoqarfiit nunaqarfiillu Danmarkimiittut, Islandimiittut Kalaallit Nunaanniittullu, nalunaarsorsimaffimmi www.ral.gl-ikkut takuneqarsinnaasumi, taakkulu saniatigut aamma Kalaallit Nunaanni tikitassanut sanaartorfiusunut uuliasiortunut aatsitassarsiortunulluunniit assigisaannullu pajunneq suliassaqarfiit ilagivaat.

L **Sullitat namminneq poortugaannik containerinik (FLC) attartorneq.** Sullitat namminneq immigaannik containerinik nassiussinermi containerinik atornerq akiligassanngussaaq inniminniinermi uppersaammi nassiussinermiluunniit allagartami ulluliuunneqartut qaangerneqarpata.

M **Inissaqartitsinnermut akiliut sullitat namminneq immigaannut containerinut (LCL).** Inissaqartitsinnermut akiliut atuutsinneqartarput "shipper's own" containerini allanillu FLC-nut atortuni, nassiussinermi inniminniinermik uppersaammi nassiussinermiluunniit allagartami ullorititaasut qaangiussimanerisigut. Inissaqartitsinnermi akiliutit aamma

naatsorsorneqassapput sapaatit akunnerata naanerni sapaatiniluunniit ullorititaasut qaangiuppata. Sullitat nammineq immigaannut containerinut (LCL) attartornermut inissaqartitsinermullu akiliutit akigititat akit allattorsimaffianni nassaarineqarsinnaapput, www.ral.gl.

Kiffartuussinernut taakkununga uuliamut aningaasallu nalinganut tapit akiligassiinermi ilanngunneqarneq-ajorput. Ilassutitut kiffartuussinerit ilaat Danmarkimi tunniunneqarnerini momsimik akiliuteqartitsisoqartarpoq.

4.1.4 ALLAT

N **SDR** (Special Drawing Rights) tassaavoq nunarsuaq tamakkerlugu aningaasat nalingisa nikerartarnerat, aningaasat nalingisa assigiinngitsut nikerarnerisa agguaqatigiissinnerannik imaqartoq. Tamanna naatsorsuinermi patajaatsumik atorineqartarpoq taarsiisoqassatillugu.

